

Խ. ԱՐՈՎՅԱՆԻ ԱՆՀԱՅՏԱՑՄԱՆ ՀԻՆ ՎԱՐԿԱՍԻ ՆՈՐ «ՄԵԿՆԱՐԱՆՈՒՄԸ»

ՊԻՈՆ ՀԱԿՈՐՅԱՆ

Նաչատուր Աբովյանի խորհրդավոր վախճանի հանգամանքները հանելուկ են մնացել սերունդների համար: Ականատես անձինք չեն եղել (կամ գուցե վախեցել են), որ ճշմարտությունը լույս աշխարհ հանեին, իսկ ինքն էլ գրավոր խոստովանություն կամ կտակ չի թողել: Այս պարագան, արդեն նրա անհետացման հաշորդ օրերին, ծնունդ է տվել զանազան վարկածների: Ըսելով մեկի՝ Աբովյանն ինքնասպան է եղել՝ իրեն նետելով վարարած Զանգուն (թե՛ Արաքսը): Ըստ մյուսի՝ ծպտված, տանից հեռացել է Կարսի կողմերը, դեպի Գյանջա, Կովկասյան լեռներ՝ Շամխի մոտ: Ըստ երրորդի՝ Աբովյանին սպանել (թե՛ կենդանի թաղել) են խանդի հողի վրա: 1859 թ. սկզբներից արևմտահայության շրջանում, իսկ փոքր-ինչ ուշ՝ հունգարահայ գաղթօջախում, ծնվում է մի նոր վարկած, ըստ որի՝ Աբովյանը ցարական կառավարության կողմից աքսորվել է Սիբիր և, իբր, դեռ կենդանի է:

Այսօրինակ լեգենդները, կապված ժամանակի նշանավոր անձանց հետ, շատ էին տարածված թե՛ Եվրոպայում և թե՛ Ռուսաստանում ու Հայաստանում: Ոչ ոքի համար կասկածի առարկա չէ Միքայել Նալբանդյանի մահն ու թաղումը, սակայն պնդողներ են եղել, թե «Մուխալը» չի մեռել, ողջ է տակավին և մի օր պիտի վերստացան որպես հայոց թագավոր հայ գյուղացիներին հող բաժանելու: Հունգար ժողովրդի համար անվիճելի է, որ իրենց ազգային մեծ բանաստեղծը՝ Շանդոր Պետեֆին, հերոսաբար զոհվել է հեղափոխության օրերին, 1849 թ. հուլիսի 31-ին, Ֆահերեդհաուդի մոտ, բայց այդուհանդերձ, պնդողներ կան, որ նրան աքսորել են Սիբիր և աշխատեցրել կապարի հանքերում, և ուր, իբր, նրան տեսել է ինչ-որ քրեական հանցագործ:

Վերոհիշյալ վարկածներից ամեն մեկն ունեցել է իր կողմնակիցներն ու պաշտպանները: Ստ. Նազարյանցն ու Ֆ. Բողենշտեդը, օրինակ, հավատացած են եղել, թե Աբովյանն ինքնասպանություն է գործել: Ա. Արարատյանը, Աբովյանի որդի Վարդանը, գերմանացի գիտնական Հ. Աբիխը, Աբովյանի աշակերտ Վ. Խուդաբաշյանը և ուրիշներ պնդում են, որ նա սպանվել է: Ակսել Բակունցը հատուկ աշխատություն է գրել, ջանալով հիմնավորել, թե Աբովյանը եվրոպական հեղափոխության լուրն առնելով՝ անցել է Արաքսը և մեկնել արտասահման: Ռուբեն վարդապետ Մանասյանը զանազան ասեկոսներից ելնելով՝ հավանական էր գտնում, որ Աբովյանն աքսորվել է Հեռավոր Արևելք և մեռել ու թաղվել է Օխոտսկում:

¹ Այստեղ Հովհաննիսյան, Աբովյան, Երևան, 1933, էջ 68, Ա. Ինճիկյան, Միքայել Նալբանդյան, Երևան, 1954, էջ 3:

Առաջին երկու վարկածի կողմնակիցներն Աբովյանի ժամանակակիցներն ու բարեկամներն են, վերջիններինը՝ նորագույն շրջանի մարդիկ՝ ապրած 1920—1930-ական թթ.:

Չորս վարկածի կողմնակիցներն էլ վկայակոչել են զանազան գրավոր և ավանդական զրույցներ, իսկ լրջամիտները ավելի հակվել ինքնասպանության վարկածին, քանի որ այդ գաղափարը Աբովյանին հուզել է ամբողջ կյանքում, թեպետ առկա աղբյուրները բոլորից շատ խոսում են հօգուտ սպանության վարկածի:

Աբովյանի անհետացմանը վերաբերող բոլոր գրավոր աղբյուրները, պաշտոնական գրությունները, ժողովրդական զրույցներն ու ավանդությունները մենք հավաքել ենք և պատրաստել հրատարակության: Հետևությունն այն է, որ առաջին երկու վարկածներն ավելի են տրամաբանական, թեպետև վերջնական եզրակացություն անելն անկարելի է դարձյալ:

Բանն այն է, որ եթե Աբովյանն իսկապես ինքնասպան է եղել, ապա գա պատահել է տանից հեռու, նախորոշված տեղում, և հետքն ընդմիշտ կորել է: Եթե սպանվել է, ապա մարմինը թաքցրել են այնպես, որ հետաքննություններն ի վիճակի չլինեն պարզելու: Եթե դառնացած ու հիասթափված սեփական երկրից, ազգից, ընտանիքից՝ հեռացել է օտար վայրեր, ապա ծաղկած է եղել, անունը փոխել և հետագայում էլ ո՛չ ոքի մոտ սիրտը բաց չի արել:

Բայց եթե Աբովյանն, իբրև քաղաքական հանցագործ, բանտարկված ու աքսորված է եղել ցարի կամ ոստիկանության շեֆի հրամանով, ապա անպայմանորեն պետք է գոյություն տանեային գաղտնի հրահանգներ, կարգադրություններ, դատարանի և Սենատի որոշումներ: Որքան էլ ծանր լինեք հանցանքը և պատիժը՝ խիստ, ձևականությունները, այնուամենայնիվ պահպանվում էին և առանց դատի, հրամանի, Սենատի հաստատման մարդ չէին աքսորում կամ բանտարկում: Ծիծաղելի է, բայց պահ մի ենթադրենք, թե նրա կատարածը քրեական հանցանք է եղել. այդ դեպքում դատը, աքսորը կամ կախաղանը անխուսափելի էր, թաքցնելը՝ ավելորդ, իսկ ոտով-գլխով անհետացնելը՝ անկարելի: Եթե Աբովյանն իսկապես քաղաքական հանցագործ է համարվել կամ մեղադրվել դրա համար, ապա նախապես պետք է ենթարկված լինեք նույն փորձություններին, ինչ իր բախտակից մեղավորները. նրան էլ պետք է լրտեսեին, նրա մասին էլ՝ պանոսներ լինեին, նրա վրա էլ՝ գաղտնի հսկողություն սահմանվեր: Թեկուզ և անհիմն, բայց պիտի որոշակի լինեք, թե նա ինչի՞ համար էր մեղադրվում, ինչու՞ էր դատվում և ի՞նչ պատիժ պիտի կրեր՝ վախաղա՞ն, տաժանակրություն, թե՞ աքսոր: Նրա բախտն էլ նույնը պիտի լինեք, ինչ դեկաբրիստների ու պետրաշևականների, կամ թե՞ Պուշկինի, Լեոմոնտովի, Գոգոլի, Բելինսկու, Գերցենի, Օգարևի, Չապաևի, Դոստոևսկու, Ադամ Միցկևիչի, Ալեքսանդր Ճավճավաձեի և շատ ուրիշների: Ցարի անձնական գրասենյակում, Երրորդ բաժանմունքի գործերում, Սենատի, դատարանի, բանտերի վարչության ֆոնդերում, ոստիկանական լրտեսագրերում հիշածս բոլորի մասին էլ կան բազմաթիվ վավերագրեր ու գործեր: Այդ նյութերը ոչնչացնելու մասին ո՛չ ոք չի էլ մտածել: Դրանք առանձին հատորներով հրատարակվել են մեր օրերում ու շարունակվում են ուսումնասիրվել ու հրատարակվել:

Այդ ուղղությամբ հայ գիտնականները վիթխարի ջանքեր են թափել դեռ 1930-ական թթ. սկսած (ամենից տեղական որոնումներ է կատարել Աշոտ Հով-

հաննիսյանը), բայց արդյունքի չեն հասել. Արժույթը նշածս հաստատությունների ուշադրության կենտրոնում չի եղել, նրա մասին գոյություն չունի ո՛չ թե որևէ համապատասխան գործ կամ վավերագիր, այլ հարևանցի ակնարկ անգամ: Արժույթն երբեք չի մեղադրվել պետական հանցագործության մեջ, ընդհակառակը, նրան կշտամբել են ծայրահեղ ռուսասիրության համար, այն էլ՝ իր վա՛յ հայրենակիցները:

Ծառայական թերացումներ և ցարական պաշտոնության հետ ընդհարումներ, այո, Արժույթն ունեցել է, և այն էլ՝ բավականաչափ շատ, բայց այդ ամենը տղայամտություն ակիներ որակել հակացարական, հակապետական գործունեություն և կամ հավասարել այն «հանցանքներին», որոնց համար մեղադրվել կամ հետապնդվել են դեկաբրիստները, Պուշկինը, Լերմոնտովը, Բելինսկին, Դոստոևսկին, Գերցենը, Միցկևիչը և ուրիշներ:

Արժույթի հանրային ողջ գործունեության և ստեղծագործության միջով կարմիր թելի նման անցնում է ռուսասիրության վեհ գաղափարը, որ Թուրանյանի բնորոշմամբ՝ հաճախ հասնում էր մոլեռանդության: Նա ռուսական տերության հեղինակությունն էր բարձրացնում Արևելքում՝ դառնալով ռուս լեզվի ու մշակույթի հետևողական պրոպագանդիստը Անդրկովկասի ժողովուրդների շրջանում: Նրա մշտական հորդորն ու պատգամն էր իր հայրենակիցներին՝ սիրել ռուսներին ու Ռուսաստանը, ցույց տալ պետական հավատարմություն, ռուսաց լեզուն ամենից բարձր դասել և սովորել այն, որովհետև հայ ժողովուրդն իր գոյության ու փրկության համար պարսկա-թուրքական լծից նրանց է պարտական: Ռուսները վերակենդանացրին հայությանը, «Ռուսք Հայաստան կանգնացրին ու ասիացվոց բիրտ, գազան ազգերին մարդասիրություն ու նոր հոգի տվին... Հայք ե՞րբ կարեն ռուսաց արածը մոռանալ, քանի որ շունչ ունին» («Վերք Հայաստանի»):

Ծնթադրել, թե Արժույթն այսպես գրում էր, քարոզում, բայց գաղտնի, բոլորից թաքուն, առանց իր մտքերը ուրիշների հետ կիսելու, հակառակը մտածում, լուրջ չէր լինի: Արժույթի անկեղծությունը և անմիջականությունը կասկածի առարկա չի կարող լինել երբեք: Ասել, որ այսպիսի մեկին կարող էին պատժել, աներևակայելի միամտություն կլիներ:

Այսպիսին էր Արժույթի անհետացման անլուծելի առեղծվածի վիճակը մինչև այժմ:

Վերջերս Արժույթի կորստյան առեղծվածի լուծման փորձով ու «հայտնագործություններով» հանդես եկան գրականագետ Նշան Մուրադյանը («Գրական թերթ», 26. IX. 1975) և պատմական գիտությունների թեկնածու Վ. Ղազարյանը («Գրական թերթ», 24. IX. 1976): Խմբագրությունը, առանձին կարևորություն տալով, այդ հոդվածները հրատարակել է «Պրպտումներ, վարկածներ, հայտնագործություններ» բաժնում: Սկզբում տպագրվեցին Նշան Մուրադյանի կոմենտարները, ապա հանդես եկավ «հայտնագործության» հեղինակը: Մարդիկ անակնկալի եկան, կարծելով՝ Ամերիկա է հայտնագործվել, մինչդեռ իրականում ոչ մի հայտնություն էլ չկա, մեջտեղ է քաշվել Արժույթի կորստյան հին վարկածներից մեկը, որը քննարկվել ու մերժվել էր ավելի քան քառասուն տարի առաջ:

Երբ մարդ վճռում է հարություն տալ որևէ հին վարկածի, պարտավոր է մեծագույն զգուշությամբ վարվել փաստերի հետ, շանտեսել հսկառակ վարկածի օգտին խոսող նյութերը, կրկին ու կրկին ստուգել իրեն, սխալներ ու

կեղծիքներ թույլ չտալ: Առավել ևս Աբովյանի մահվան առեղծվածը լուծել ցանկացողը. նրանից պահանջվում է անկանխակալություն և հայ մեծ գրողի կյանքի ու հայացքների ճիշտ լուսաբանում: Նա պարտավոր է հաշվի առնել, որ Աբովյանը, լինելով որոշակի հասարակական-քաղաքական իրադրությունների ծնունդ, նաև մարդ էր, ուներ իր համակրանքներն ու հակակրանքները, սերերն ու հիասթափությունները, ոգևորություններն ու մոլորությունները, իր լուսավոր և ստվերոտ կողմերը:

Արդյոք այդպե՞ս են վարվել Վ. Ղազարյանը և նրա «հայտնագործության» մեկնաբան Նշան Մուրադյանը: Ոչ: Անտեսելով անառակելի փաստերը, նրանք Ն. Մուրադյանի խոսքով՝ «հետևել են անշուք թվացող փաստերի տրամաբանությանը» («Գրական թերթ», 26. IX. 1975), պարզ իրողություններին ցանկալի ընթացք տվել: Նրանց պրպտումների մեջ մութ բաներ շատ են մնացել:

Որպեսզի իրեն միանգամայն ազատ զգա, Ն. Մուրադյանը, Վ. Ղազարյանի հետ համակարծիք կազմած, հայտարարում է, թե Աբովյանի անհետացման հարցին վերաբերող «վավերագրերը թափցված, ապա ոչնչացված են եղել գերագույն զգուշությամբ», որ, իբր, «արխիվներից ոչնչացվել են գործի գաղտնեխությունը բացահայտող բոլոր փաստաթղթերը» և, իբրև ապացույց, նշում «Երրորդ բաժանմունքում Աբովյանի դեմ կազմված, նրա անհետացման և Թուրքեստանովի նշանակման 105 թերթանոց, Աբովյանին թոշակ նշանակելու վերաբերյալ գործերը» («Գրական թերթ», 26. IX. 1975):

Սա մարդկանց ապակողմնորոշող փոպիտ սխալ է, քանի որ Աբովյանի անհետացման վերաբերյալ Երրորդ բաժանմունքում ո՛չ մի գործ չի՝ կազմվել, ուր խե այդ գործը 105 թերթ ունենար կամ ոչնչացվեր, և հետո՝ Աբովյանի ժառանգներին թոշակ տալու շուրջ կազմված գործերից առայժմ հայտարարված են երեքը և զանազան այլ վավերագրեր, որոնք լիակատար պատկերացում են տալիս տվյալ հարցի ընթացքի և լուծման մասին: Երկուսը՝ Երևանում, մեկը՝ Լենինգրադում, վավերագրերը՝ գրականության և արվեստի թանգարանում:

Արխիվներում որոնումներ կատարած ամեն ոք շատ լավ գիտի, որ երբ գործը մի հաստատության համար ավելորդ էր դառնում, մյուսում, որն հարուցում էր խնդիրը, շարունակվում էր պահվել: Ոչնչացված նյութերը, սովորաբար, իրենց կրկնօրինակներն ու պատճեններն էին ունենում: Աբովյանի անհետացման վերաբերող նյութերի այն մասը, որ Անդրկովկասյան դրպրոցների վերատեսչության դիվանում էր պահվում և հետո ավելորդ է դիտվել, շնորհիվ կրկնօրինակների, պահվել և այժմ էլ պահվում է ՀՍՍՀ Պետարխիվում: Կորուստն, այսպիսով, շատ մեծ չէ: Այս բանը երեսուն տարի առաջ պարզել է հանգուցյալ պրոֆեսոր Լևոն Մելիքսեթ-Քեկը (ի դեպ, այս գյուտն իրեն է վերագրել Վ. Ղազարյանը իր նախորդ հոդվածներում)²: Հին օրերում, նաև այժմ, եթե մեկը փորձեր որևէ նյութի հետքը պետական արխիվներում կորցնել, ապա կձախողվեր, որովհետև դրա համար բազմաթիվ մարդկանց տեղական ջանքեր կպահանջվեին: Պետք է աննկատելիորեն ջնջվեին և նորից

2 Լ. Մելիքսեթ-Քեկ, Նոր նյութեր Ն. Աբովյանի մասին (ՀՍՍՀ ԳԱ «Տեղեկագիր» (հաս. գիտ.), № 9, էջ 33), Վ. Ղազարյան, Նաչառուր Աբովյանի «Գործը» («Բանբեր Հաստատի արխիվներ», 1974, № 3, էջ 42):

նոր արտադրվելին տվյալ հաստատություն ուղարկված կամ այնտեղից ուրիշ տեղեր առաքված այդ ու հետագա բոլոր գրությունների հիմնական, գործավարական և արխիվային համարները, նույն բանը պիտի կատարվեր այն բոլոր քաղաքների ու հիմնարկների դիվաններում, որտեղից ուղարկվել կամ որտեղ ստացվել էին տվյալ գրություններն ու հրահանգները, և այլն, և այլն:

Եթե այսօրվա ուսումնասիրողն իր ենթադրած, ավելի շուտ՝ ցանկացած նյութերը չի կարողանում գտնել, դա դեռ չի նշանակում, թե դրանք եղել և միտումնավոր ոչնչացվել են, այլ՝ նշանակում է, որ կա՛մ նման բան չի եղել, կամ էլ՝ դեռ չի գտնվել: Ն. Մուրադյանը և Վ. Ղաղարյանը չպետք է մոռանային, որ Արքայանի վերաբերող շատ կարևոր մի գործ, որ գնված է եղել Երևանի նահանգային դիվանի աշխատակիցներից, 1917 թ. ոչնչացրել են Ալեքսանդրապոլի բախկալները, շուկայում իրենց ապրանքը փաթաթելով, որի մասին վկայել է Արքայանի թոռը մամուլում³:

Ինթադրությունն ու ճշմարտությունը միշտ չէ, որ համընկնում են և ճշմարիտ բանասերն իրավունք չունի մոռանալու այս:

Նշան Մուրադյանը «մեկնաբանելով» Վ. Ղաղարյանին, հայտարարում է, թե, իբր, «Կովկասյան բարձրագույն իշխանությունները Արքայանին մեկուսացնելու ուղիներ են մշակել», իբր թե գոյություն է ունեցել «Արքայան օպերացիա»: Սա հիմքից գուրկ, թյուր ու մտացածին հայտարարություն է, որը ոչնչով չի փաստարկվում ու չի էլ կարելի: Ընդհակառակը, Կովկասի բարձրագույն իշխանությունները Արքայանին շատ բարձր էին գնահատում և, սովորաբար, նրան էին հանձնարարում Անդրկովկաս ժամանած օտարերկրացիներին առաջնորդելու պարտականությունը, այն դեպքում, երբ օտարերկրացիները միշտ էլ ենթակա էին հսկողության: Եթե մեր «գլուտարարների» սեփականությունը, ուրեմն՝ Արքայանին էր հսկում նրանց...

Դեմոստրատիկ հայտարարվում է, որ, իբր, «1848 թ. հունվարի 11-ին Արքայանը... պաշտոնապես համարվում է ժառանգության իրավունքը կորցրած աստիճանավոր»: Նորից անճշտություն, քանի որ դպրոցական իշխանությունները դրանից հետո Արքայանին չէին ատեստավորի («аттестовался сполночным и достойным»): Այս մասին, սակայն, քիչ հետո⁴:

Հայտարարվում է նաև, թե իբրև, 1848 թ. մարտի 30-ին ժամանելով Երևան, Թուրքեստանովը «Արքայանին կալանքի է ենթարկում իր բնակարանում՝ կարգադրելով լռել և սպասել»: Եթե դա ճիշտ է, ապա իր բնակարանում կալանավորված Արքայանն ինչպե՞ս էր դպրոցական գույքն ու գործերը հանձնում, ինչպե՞ս էր, որ կինն այդ չէր հասկանում: Եթե կալանավորված Արքայանին հսկել են ոստիկաններ, այդ չէր կարող չնկատվել, իսկ եթե Թուրքեստանովը սոսկ սաստել է, չէ՞ որ Արքայանը հենց մարտի 30-ի գիշերը կարող էր տանից փախչել...

Իրենց «պրպտումների» ու «հայտնագործությունների» ընթացքում Ն. Մուրադյանն ու Վ. Ղաղարյանը իբր պարզել են, թե 1843 թ. Արքայանի «Թիֆլիսից Երևան փոխադրումը եղել է ներքին գործերի մինիստրի գաղտնի նախագծով սահմանված» պատիժ («Գրական թերթ», 26. IX. 1975), մոռանալով հարցնել, թե Արքայանն ինքը ի՞նչ կարծիքի է եղել: Չէ՞ որ նա պարզ

³ «Էջմիածին», 1948, № 5—6, էջ 43:

⁴ Центральный государственный исторический архив СССР (ЦГИА СССР), ф. 733, оп. 82, л. 270.

«Լրաբեր» 5—5

գրել է, թե Երևան է փոխադրվել, որպեսզի «գոնե հոգեկան հանգիստ գտնի», որովհետև պաշտոնակիցները խանգարում էին նրա մասնավոր դպրոցի անկաշկանդ գործունեությանը, նաև հայտարարել. «Իմ յոթնամյա ծառայությանը Թիֆլիսում, իշխանության աչքի առաջ, շնայելով անընդհատ հարձակումներին և մի քանի ծառայակիցներիս անբարյացակամ վերաբերմունքին, որոնք զինվել էին իմ դեմ իրենց բոլոր զորությամբ՝ անձնական հաշիվներից զրգված, և իմ անշահասեր աշխատանքներն ու իմ եռանդագին ցանկությունները՝ օգտակար լինել գոնե իմ հայրենակիցներին հայսկույս Կովկասի, անբասիր են կացուցել ինձ ինչպես մերձավոր, նույնպես և բարձր իշխանության առաջ»⁵, Ինչպե՞ս կարելի է անտեսել Երևան փոխադրվելու մյուս շարժառիթները, որոնցից ամենավճռականը ներսես Աշտարակեցու կաթողիկոս ընտրվելն էր (1843 թ. ամառը)։ Այդ իրադարձությամբ խանդավառված՝ Աբովյանը կարծում էր, թե Աշտարակեցու հովանու տակ ու նրա աջակցությամբ, ի վերջո, պիտի վարողանա մարմին տալ իր նվիրական երազանքներին և հիմքից սկսելով՝ բաղձալի ավարտի հասցնել հայության լուսավորության շենքը, որ արմատապես պիտի հեղաշրջեր ազգի տնտեսական ու հոգևոր կյանքի պայմանները, սկիզբ գնելով նոր վերածնության։ Նա որոշում է անգամ թողնել ընտանիքը և աշակերտների հետ վանք վերադառնալ, իր իսկ խոստովանությանամբ՝ նա ո՛չ թե շտապում, այլ սուրում, թռչում է դեպի Երևան. «...Ընդոտն հարեալ զաշխարհս տարածի՞մ առ մայրն հաւատոյ դիմեցի ուխտիւ սրբութեան... աղբեր լուսոյ տանս Թորգոմեան։ Ասեմ՝ դիմեցի, բայց սխալիմ յոյժ, թեկեցի...»⁶։

Ի լրումն այդ ամենի նշենք նաև, որ 1843 թ. գարնանը կազմված տարեկան հաշվետվության մեջ, որ ներկայացվել է լուսավորության մինիստրին, Աբովյանի ղեկավարած Թիֆլիսի գավառական ուսումնարանը համարվել է լավագույններից մեկը⁷։ Աբովյանի խոսքն այդ ժամանակ այնքան կշիռ ունեւր, որ Անդրկովկասի գլխավոր կառավարիչ Նայդհարդը, հարգելով նրա միջնորդությունը, որոշում է օգնություն ցույց տալ 1840 թ. երկրաշարժից կործանված Ակոռի գյուղի բնակիչներին⁸։ Մորից Վազները, որ Աբովյանի բարեկամներից էր, ողջունել է նրա նշանակումը։ Իր գրքում քննադատելով հանդերձ ռուսական նոր վարչակարգը Հայաստանում, Աբովյանի Երևան փոխադրվելը համարել է ուրախալի՞ծ, Ե՞րբ է պատահել, որ պատիժը ուրախություն համարեն։

Նոր «հայտնագործության» ամենամեծ անակնկալը, սակայն, ներսես Աշտարակեցուն «դիմազերծելու» անհասկանալի ձգտումն է։ Նշան Մուրադյանը և Վ. Ղաղարյանը՝ մոռացած խիղճ ու հոգի, գրում են, թե Աշտարակեցու կողմից Աբովյանին Թիֆլիսի ներսիսյան դպրոցում աշխատանք տալը կանխամտածված կեղծիք է եղել, որպեսզի ցարիզմը կարողանար նրան գողանալ։ Ն. Մուրադյանը գրում է. «...մեջտեղ է նետվում կաթողիկոսի կեղծ հրավերը. չէ՞ որ դժվար չէր պատճառաբանել Երևանից Թիֆլիս ընկած ճա-

⁵ «Դիվան Խաչատուր Աբովյանի», հ. I, Երևան, 1940, էջ 145։

⁶ Խ. Աբովյան, Երկերի լիակատար ժողովածու, հ. X, Երևան, 1961, էջ 295։

⁷ ЦГИА СССР, ф. 733, к. 969, л. 18а։

⁸ Պ. Հակոբյան, Անժանթ էջեր Խ. Աբովյանի կյանքից ու գործունեությունից (ՀՍՍՀ

ԳԱ «Տեղեկագիր» (հաս. գիտ.), 1955, № 10, էջ 78—85)։

⁹ M. Wagner, Reise nach dem Ararat, Stuttgart und Tübingen, 1848, S. 85.

նապարհին անհայտանալը...» («Գրական թերթ», 26. IX. 1975): Այսպես կարող են գրել միայն արկածային վեպերում: Ինչպե՞ս կարելի է հեշտ ու հանգիստ մեղադրել մի մարդու, որը պաշտելի անձ էր հայ ժողովրդի և Արժույթի համար: Նրանք պիտի հասկանային, որ եթե Արժույթն իսկապես վտանգավոր քաղաքական հանցագործ լիներ, ապա ցարական կառավարության համար դժվարություն չպիտի ներկայացներ նրան վերացնելը, այն էլ՝ խուլ Նրեվանում, ուր բաղմամբով էին չպարզված սպանությունները, որոնցից Արժույթն ևս սարսափած էր (ապացույց նրա «Սոնա» պոեմը):

Որպեսզի մեկընդմիջտ պարզ դառնա, որ Ներսիսյան դպրոցում Արժույթն շխատանք տալը հանրահայտ ու անվիճելի իրողություն է եղել և ո՛չ կեղծիք, ինչպես այժմ հայտարարում են Նշան Մուրադյանն ու Վ. Ղազարյանը, վերհիշենք մի քանի փաստ: Արդեն 1848 թ. հունվարի 5—19-ը անցկացնելով Թիֆլիսում, Արժույթը հանդիպել էր Ներսես Աշտարակեցուն, տեղեկացել նրա դիտավորությանը՝ իրեն վստահել Ներսիսյան դպրոցի տեսչությունը, և նույն օրերին այդ մասին պաշտոնապես զեկուցել Անդրկովկասի ուսումնական մասի կառավարչին և դպրոցների վերատեսչությանը¹⁰:

Երևան վերադառնալուց հետո, փետրվարի 4-ին, Արժույթն հատուկ նամակ է գրում Հովսեփ Օրբելուն և խնդրում իմանալ ու հայտնել, թե Ներսեսն ի՞նչ կարգադրություն է արել իր վերաբերյալ¹¹: Փետրվարի 6-ին Արժույթի սիրելի աշակերտ Գ. Գեղամյանը Թիֆլիսից նրան գրում էր. «Աշակերտք, թե գիմնազիայի և թե այլ ուսումնարանաց, գլխները բարձրացրել են և անհամբեր ձեր գալստյանն են սպասում, որ իսկույն գան ձեզ մոտ»¹²: Փետրվարի 21-ին Ներսեսի հանձնարարությամբ՝ Արժույթին Թիֆլիս է հրավիրում Կարապետ Շահնազարյանը, «առ ի վատար ածել հասուցանել զհայկական մանկունս լուսմունս կարևորագոյնս»¹³: Փետրվարի 27-ին Գ. Գեղամյանը Թիֆլիսից գրում է Արժույթին. «Պարոն Առվանդիցն իմացա, թե կաթողիկոսն ձեզ գրել է գալ»¹⁴: Մարտի 3-ին Ներսեսը պաշտոնապես, № 75 կոնդակով, դիմում է ուսումնական մասի կառավարիչ Սեմյոնովին՝ ազատել Արժույթին ներկայ աշխատանքից և ուղարկել իր տրամադրության տակ¹⁵: Մարտի 6-ին, Ներսեսի հրավերն ստանալուց և վերջնական վճիռ կայացնելուց հետո, Արժույթը հույժ կառնուր զեկուցով խնդրում է դպրոցների վերատեսչին՝ արձակել իրեն ուսումնարանական գերատեսչությունից և տեղը նշանակել ուրիշի¹⁶: Մարտի 9-ին ուսումնական մասի կառավարիչ Սեմյոնովը Ներսեսի հարգարժան միջնորդագրի հիման վրա կարգադրում է՝ ազատել Արժույթին իր ներկա պաշտոնից և ուղարկել կաթողիկոսի տրամադրության տակ: Այդ մասին

10 «Գործ», 1917, № 7—8, էջ 60: «Այս ձեռն Թիֆլիսում եղածն ժամանակ, ես պատիվ ունեցա ինչպես նորին գերազանցություն ուսումնարանական մասի պ. կառավարչին, այնպես էլ Զեքե բարեօննդությանը զեկուցելու հայոց կաթողիկոսի մտադրությունը՝ պաշտոն տալ ինձ Թիֆլիսի հայոց սեմինարիայում»: Արժույթը Թիֆլիսում եղել է 1848 թ. հունվարի 5—19-ը:

11 «Գիվան Խաչատուր Արժույթին», հ. II, Երևան, 1948, էջ 184:

12 Նույն տեղում, էջ 184:

13 Նույն տեղում, հ. I, էջ 222:

14 Խ. Արժույթի դիման, № 251:

15 Այդ մասին հիշատակությունը տե՛ս Մատենադարան, Կաթողիկոսական դիման, № 126/399, թ. 18:

16 «Գործ», 1917, № 7—8, էջ 60—61: Բնագիրը՝ ՀՍՍՀ պետական կենտրոնական պատմական արխիվ (ՀՍՍՀ ՊԿՊԱ), ֆ. 1, դ. 1726, թ. 30:

հատուկ գրությամբ (անտիպ) ծանուցվում է ներսեսին (Մ 215)¹⁷։ Մարտի 11-ին վերատեսուչն հաղորդում է Արքայանին, որ «արձակվում եք ձեռք վաճառած պաշտոնից և ուսումնարանական գերատեսչության ծառայությունից՝ հալոց հոգևոր դպրոցը մտնելու համար»¹⁸։ Մարտի 15-ին Արքայանն ստանում է իր ազատման հրամանը (մակագրություն իր ձեռքով)։ Մարտի 30-ին Թուրքիստանովը, որ ժամանակավորապես փոխարինելու էր Արքայանին, ժամանում է Երևան։ Արքայանն սկսում է հանձնել գործերը¹⁹։ Կնոջ վկայությամբ՝ Արքայանն ասել է, թե ցավում է, որ որոշել է փոխել աշխատանքի բնույթը²⁰։ Ապրիլի 8-ին Երևանի գավառապետը հաղորդում է Թիֆլիս, ներսեսին, որ Արքայանը «На рассвете 2 апреля со своей квартиры неизвестно куда отлучился и до сего времени, при всех принятых мерах к розысканию, нигде никаких следов об нем не открыто. Он, по объяснению его домашних, за три дня до отлучки впал в задумчивость, почти не употреблял никакой пищи, мало говорил, не раздевался и, по-видимому, страдал бессонницею; уходя, он взял только на себя, кроме бывшего на нем платья, шинель и обыкновенную фуражку»²¹։ Ապրիլի 14-ին այս նույն լուրը ներսեսին հաղորդում է նաև ուսումնական մասի կառավարիչը, ավելացնելով, որ Երևանի քաղաքային ոստիկանությունը հետաքննում է Արքայանի անհետացման հանգամանքները²²։ Երկու գրություններն էլ ներսեսն ստանում է ապրիլի 15-ին և սպասում քննության արդյունքներին²³։

Սրանք են իրական փաստերը, ուր կասկածելի ոչինչ չկա։ Ներսիսյան դպրոցում աշխատանքի անցնելը Արքայանի և ներսես Աշտարակեցու երկուստեք բուն ցանկությունն է եղել։ Այդ որոշված էր դեռ 1847 թ. ամառը, ե Արքայանի գործընկերներն էին լինելու նազարյանցը և Մ. էմինը։ Ներսեսը նրան կեղծ հրավեր չի ուղղել, ընդհակառակը՝ Արքայանն է որոշ երկընտրանք ապրել։ Ավելին, ներսեսը հետագայում հոգ է տարել Արքայանի անօգնական ընտանիքի նկատմամբ՝ 1850 թ. գրելով լազարյաններին. «Ապովեանն անյայտացաւ ամենևին առանց հետոց, և վարդան որդի նորայ 10 ամաց և Զարման դուստր նորա եօթն ամաց մնացին որբք, մայր նոցա թախանձեալ դմեղ՝ խոստացաք վասն որդւոյն նորա խնդրել Ձեզ և վասն դստերն խնդրել... Կնէյնայ Վօրօնցովին՝ ընկալնուլ իւր ինստիտուդ»²⁴։ Կան և ուրիշ վավերագրեր, որ ավելորդ ենք համարում հիշել։ Ներսեսը ո՛չ մի գաղտնի նամակ չի գրել Արքայանի մասին։ Կեղծիք է՝ «1848 թ. մարտի 3-ին կառավարչապետին հղած ներսես Աշտարակեցու գրությունը «անհանգիստ Արքայանի մասին», որ «վկայակոչում» է Վ. Ղազարյանը («Գրական թերթ», 24. IX. 1976)։ Այդպիսի նամակ գոյություն չունի։ Այն Վ. Ղազարյանն է հորինել։

¹⁷ Մատենադարան, նշվ. վավերագիրը։

¹⁸ «Գործ», էջ 61։ Բնագիրը՝ ՀՍՍՀ ՊԿՊԱ, ֆ. 1, գ. 1726, ք. 31—32։

¹⁹ Նույն տեղում, էջ 61։

²⁰ Բնագիրը՝ Խ. Արքայանի դիման, Մ 593։ Թարգմանությունը՝ «Դիման հաշատուր Արքայանին», հ. II, էջ 267։

²¹ Մատենադարան, Կաթողիկոսական դիման, Մ 126/399, ք. 21։

²² Նույն տեղում, ք. 22։

²³ Նույն տեղում, ք. 21 և 22, մակագրություններ։

²⁴ Վավերագիրը Մոսկվայի արխիվներից հայտնաբերել և քաղվածքը մեզ է տրամադրել բանասեր Գրիգոր Հարությունյանը, որի համար հայտնում ենք մեր շնորհակալությունը։

Եթե ներսեսը ուզենար կործանել Աբովյանին, ապա այդ շատ ավելի վաղ կարող էր անել. 1847 թ. հունիսին հայ մամուլը դատաստան էր պահանջում՝ Աբովյանի դեմ, որը Արարատյան վերելքներով «պղծել» էր ազգային սրբությունները. շանցած մի ամիս՝ բողոքում են Աբովյանի բարոյական նկարագրի դեմ, վերադրելով նրան այնպիսի արատներ, որոնք ենթակա էին մեկուսացման և Սիբիր աքսորվելու: Ներսեսն անտեսում է այդ հրեշավոր զրպարտանքները, քանի որ լավ գիտեր, թե դրանք ինչ անմաքուր աղբյուրից էին ծագում և ինչ հեռագնաց նպատակ ունեին: Ներսիսյան դպրոցի նոր տեսլի խնդիրն էր մեջտեղում, որ արդեն այդ ժամանակ հեռատես ու մեծ հայրենասեր ներսես Աշտարակեցին վճռել էր վստահել Աբովյանին:

«Հայտնագործության» հետամտողներն ավելի են առաջ անցել և իրենց կարծիքով՝ հանցագործներին գտել: Նրանք ասում են. եթե ներսես Աշտարակեցին, Թուրքեստանովը և Բլավատսկին Աբովյանի անհետացման գլխավոր հանցադործները չեն, ապա ինչու են նրանք նույն ապրիլ ամսին փոխարքայի կողմից պարգևատրման ներկայացվել: Ճշգրիտ երևալու համար ավելացնում են նաև, որ փոխարքա Վորոնցովը Թուրքեստանովին, Բլավատսկուն և ներսեսին հաջորդաբար պարգևի է ներկայացրել 1848 թ. ապրիլի 7-ին, 10-ին և 19-ին» («Գրական թերթ», 24. IX. 1976): Բայց չէ՞ որ նման մի խնդիր մինչև Վորոնցովի կողմից ընթացք ստանալը պետք է նախապատրաստվեր, որի համար կպահանջվեր առնվազն մեկ ամիս, եթե ո՛չ ավելի: Վարկածի հեղինակներն իրենց նեղություն տվե՞լ են պարզել. թե հարցն ե՞րբ և ո՞վ է առաջինը հարույցել: Թուրքեստանովը Աբովյանի անհետացման մասին իր վերադասին դեկտեմբեր է ապրիլի 8-ին²⁵, որը կարող էր այն ստանալ ապրիլի 11-ից ոչ շուտ: Բլավատսկին փոխարքա Վորոնցովին զեկուցել է ապրիլի 26-ին, որ կարող էր ստացվել 29-ից ո՛չ առաջ²⁶: Աշտարակեցին Աբովյանի անհետացման մասին լուր է ստացել ապրիլի 15-ին միայն (կա ստացման մասին Աշտարակեցու նշումը): Վորոնցովը գոնե այս տեպքում ձևականությունը պետք է պահպաներ և հիշյալ մարդկանց պարգևի ներկայացներ ապրիլի 30-ից ո՛չ առաջ, այսինքն՝ Նշան Մուրադյանի և Վ. Ղազարյանի մատնանշած վերջին ամսաթվից տասն օր հետո միայն:

Վերջապես՝ որոշակի հայտնի է, որ Բլավատսկին պարգևատրվել է 1847 թ. Սարդարապատի ջրանցքը վերականգնելու համար²⁷, մի սքանչելի ձեռնարկում, որի մասին զովասանակա՞ն էլե՞ր է գրել Աբովյանն իր «Ուղևորություն դեպի Անիի ավերակները» երկում, որը, չգիտես ինչու, մոռացել են: Աբովյանն ու Բլավատսկին, չնայած երբեմնի գծտություններին, 1847—1848 թթ. հաշտ ու մտերիմ էին. միասին ճամփորդել էին դեպի Անի, երկուսով վեճի մտել և գրազ բռնել Երևանի փոստապետ Քալանթարյանի հետ և հերքելու համար Արարատի գագաթը բարձրանալու անկարելիության շուրջ պտտվող դարավոր առասպելն ու բամբասանքները, վճռել 1848 թ. միասին բարձրանալ Արարատի գագաթը²⁸, Միթե Աբովյանն այնքան միամիտ էր, որ չկարողանար թշնամուն բարեկամից զատել և նրան փառաբանել:

²⁵ «Գործ», 1917, № 7—8, էջ 62:

²⁶ «Акты, собранные Кавказскою археографическою комиссиею» (Акты), т. X, стр. 630, «Արձագանք», 1894, № 123 (մեջ է բերված Աղ. Երիցյանցի հոդվածում):

²⁷ ЦГИА СССР, ф. 1268, г. 2, к. 923:

²⁸ «Դիվան Խաչատուր Աբովյանի», հ. II, էջ 188—190:

Հոգվածագիրներին միանգամայն անծանոթ է Թուրքեստանովի անձնավորությունը: Ի՞նչ հիմունքով են ցեխ շարտում նրա վրա, երբ վերջինս իր զեկուցագրերում Արժվանի մասին միայն լավն է գրել, անգամ հարց բարձրացրել, որ նրա կնոջը տրվի հավելյալ օրերի (մարտի 11—29-ի) համար ամուսնու աշխատավարձը: Թուրքեստանովը վրացի երիտասարդ էր, ավարտել էր Թիֆլիսի գիմնազիան, հաճախ էր վերատեսչության հանձնարարությամբ փոխարինում այս կամ այն ուսուցչին ու տեսչին, աշակերտներ տանում Մոսկվայի և Պետերբուրգի համալսարաններ և այլն: Նրան օրենքով երեք տարին մեկ հասնում էր աստիճան:

Վերջապես՝ Վորոնցովն ու, կինը լավ էին վերաբերվում Արժվանին, 1848 թ. հունվարի 15—16-ին Արժվանն ընդունելության էր արժանացել նրանց կողմից և առաջարկություն ստացել դառնալու Տիֆլիսի Նունեյան դպրոցի տեսուչ, մի հաստատության, որի հովանավորը Վորոնցովի կինն էր²⁹, քաղաքական հանցագործին մի՞թե նրանք այդպիսի պատվաբեր առաջարկ կանեին: Այս բոլորի համար վավերագրեր կան, որոնք անկարելի է մոռացության մատնել:

Արժվանն ունեցել է գաղափարական հակառակորդներ և առերես բարեկամներ և՛ հայերից, և՛ մեծապետական շովինիստներից: Դրանց բոլորի անունները մեզ հայտնի են. Արզանյան եղբայրներ, Առաքել Արարատյան, Բոգդան Արարատյան, խաչատուր Մարգարյան, Աերովրե Կարնեցի, Հովսեփ Տեր-Մարության, Կարապետ Բագրատունի, Կարապետ Շահնազարյան, Գաբրիել Շահինյան, Ստեփան Մատինյան, ուսուցիչ Ֆիլադելֆին, գնդապետ Տուրչանինով և այլն: Սրանք են թունավորել Արժվանի կյանքը և մղել հանցափորձության կամ այնպիսի քայլերի, որոնց ընթացքում նա զոհվեց: Արժվանը խավար ժամանակի զոհ է և ո՛չ մատնությանը Սիբիր աքսորված: Պատասխանատուն՝ հայկական իրականությունը:

Հանգուցյալ ակադեմիկոս և հանրաճանաչ բժիշկ Լևոն Հովհաննիսյանը տարիներ առաջ հանգուցյալ արժվանագետ Հրայր Մուրադյանին և մեզ պատմել է, որ ինքն երիտասարդ տարիներին հրավիրվել է երևանցի մի մահամերձ հիվանդի մոտ, որը վերջին շնչում խոստովանել է, թե ինքը մասնակցել է Արժվանի սպանությանն ու թաղմանը: Բայց այդպիսի վկայությանը մենք պիտական արժանահավատություն չենք տալիս: Արժվանին քաղաքական հանցագործ հռչակելը համազոր է նրան, որ հայ մեծ գրողն ու քաղաքացին վերջին շրջանում փոխել է իր քաղաքական կողմնորոշումը, որի համար և ենթարկվել է մի պատժի, որպիսին ցարական բանտերի պատմությունը չի տեսել երբեք:

Բայց իսկապե՞ս Արժվանը քաղաքական հանցագործ էր և որո՞նք են վերոհիշյալ ընկերների պատկերացմամբ նրա ծանրագույն հանցանքները, քննենք մեկ առ մեկ Վ. Ղազարյանի «փաստարկները»:

«Հանցանք» I. «Նախաշավիղի» ապօրինի տպագրությունը... կառավարական բարձր մակարդակով քննությունը բացահայտեց հեղինակի դավանած

²⁹ Նույն տեղում, էջ 143. Քիսն Նիկոլայուն պատիվ ունի հայտնելու պարոն Արժվանին, որ նորին գերազանցություն իշխան Վորոնցովը մեծ ուրախությամբ կընդունի նրան վաղն (այսինքն՝ 1848 թ. հունվարի 16-ին—Պ. Հ.) առավոտյան ժ. 8 1/2-ին» (բնագիրը ֆրանսերեն է): Գ. Ստեփանյան, Առաքել Արարատյանի երկու ձեռագիր տետրակները (ՀՄՄՀ ԳԱ «Տեղեկագիր» (հաս. գիտ.), 1948, № 9, էջ 103):

հայացքների վտանգավորությունը և նրա դեմ քաղաքական գործ հարուցվեց» («Գրական թերթ», 26. IX. 1975): Գլխավոր դերը հատկացվում է Բենկենդորֆին:

Սա մտացածին, կեղծ մեղադրանք է և արդյունք տարրական բաներ չի մանալու: Քաղաքական գործերը քննում էր Երրորդ բաժանմունքի առաջին «էքսպեդիցիան» և խիստ գաղտնի: Արժույթի «Նախաշավիղի» վերաբերյալ նման բան չի արվել: Այն ապօրինի չի տպագրվել, և դրա համար Արժույթը երբեք և ո՛չ ոքի կողմից հանդիմանություն չի արժանացել: Այդ դասագրքի կազմելը միշտ էլ դիտվել է իբրև ուշագրավ գործ՝ «особый труд» և հիշատակվել Անդրկովկասյան դպրոցների ուսուցիչների կատարած ուշագրավ աշխատանքների մեջ (տե՛ս 1838—1839 թթ. հաշվետվությունները)³⁰: «Արժույթի այդ դիրքը հորինելը ցույց է տալիս նրա գովանի ուսումնասիրությունը և արժանի է խրախուսանաց իբրև առաջին փորձ, վասն զի այսպիսի նորամուծությունը ամեն անգամ չեն հաջողվում իրանց մայրենի լեզվի նույնիսկ ամենատաղանդավոր հեղափոխողներին», — ասված է այդ գրքի քննության արձանագրության մեջ, 1842 թ.³¹: «Նախաշավիղի» գործածությունն, իբրև դասագիրք, խանգարել են Թիֆլիսի գիմնազիայի մանկավարժական խորհուրդը և առաջին հերթին նրա հայ անդամները, որի պատճառները բացատրել է Արժույթը 1847 թ., երբ անդրադարձել է իր տասագրքերի և «Նախաշավիղի» բախտին, որը տասը տարի առաջ տպագրված լինելով՝ «առանց գործածելու... անօգուտ ընկած է հենց միայն նրա՝ համար, որ Թիֆլիսի գիմնազիայի խորհուրդը... չիմանալով ո՛չ հայոց լեզուն և ո՛չ էլ ժողովրդին և հենվելով իրենց գիտնական համարող հայերից ոմանց կարծիքի վրա, մարդիկ, որոնք, — նրանց կշտամբելու համար չէ, որ ասում եմ, — նոր մանկավարժությունը գիտեն չինացուց ո՛չ լավ, ո՛չ էլ վատ, գիրքը բաց չեն թողնում հենց միայն նրա համար, որ դա գրված է հասարակ ժողովրդին, ընդհանուրին հասկանալի լեզվով... Հանգուցյալ ֆիզիկա-ադյուտանտ կոմս Բենկենդորֆը և ժողովրդական լուսավորության մինիստր պարոն կոմս Ուվարովը այդ աշխատանքների համար ինձ քաջալերեցին, Ս. Պետերբուրգի ակադեմիան ավելի քան լավ գնահատելով՝ հավանություն տվեց, բայց, այնուամենայնիվ, նույն (Թիֆլիսի) գիմնազիայի խորհուրդը չբարեհաճեց գործադրության թույլատրել միայն նրա՝ համար, որ դրանք իմ աշխատություններն էին»³²:

Արժույթի դասագրքի խանգարողներն են՝ Արզանյան Դավիթ, Արարատյան Առաքել, Մարդանյան Խաչատուր, Կարապետ արքեպիսկոպոս: Եթե Արժույթի դասագիրքն ընդունվեր, գործածությունից կհանվեր Արզանյանների դասագիրքը, իսկ Արարատյանը, խանգարելով Արժույթին, ուզում էր սեփական դասագրքի համար ճանապարհ հարթել: Կարապետ արքեպիսկոպոսը դեմ էր աշխարհաբարին և պաշտպանում էր գրաբարի շահերը: Ի՞նչ գործ ունեն այս բոլորի մեջ Երրորդ բաժանմունքը, Բենկենդորֆը, երբ վերջինիս Արժույթը միշտ էլ իր խրախուսողներից է համարել: Այո՛, «Նախաշավիղի» ձախողումը ճակատագրական դեր է խաղացել Արժույթի կյանքում, այնքան, որ երբ

³⁰ ЦГИА СССР, ф. 733, г. 95, к. 943, л. 17 և к. 948, л. 17բ:

³¹ «Արձագանք», 1896, № 102, Աղ. Երեցյանցի հրապարակումը:

³² Խ. Արժույթ, Երկերի լիակատար ժողովածու, հ. VII, Երևան, 1956, էջ 195—196:

1844 թ. սկզբին նրան առաջարկվել է դիրքը վերանայել և տպագրության ներկայացնել, հրաժարվել է, որի պատճառները բնավ էլ քաղաքական չէին:

«ՆԵՐՏՈՐԳ ԲԱԺԱՆՄՈՒՆԻՖԻ պետի կառգադրությամբ... Կովկասից միայն նրա դեմ է «գործ» հարուցվել» և այլն («Գրական թերթ», 26. IX. 1975), գրելով այս տողերը, արդյոք մտածե՞լ է հողվածագիրը, թե ինչպես է ապակողմնորոշում ընթերցողին: Մի՞թե ն. Մուրադյանն ու Վ. Ղաղարյանը ծանոթ չեն դասագրքերի տպագրման կարգին Անդրկովկասում: Գրքերն այստեղ տպագրվում էին կա՛մ հեղինակների միջոցներով, կա՛մ որևէ բարերարի օժանդակությամբ և կա՛մ էլ՝ իշխանությունից փոխարինաբար ստացած դրամով, որ ժամանակի ընթացքում վերադարձվում էր: Իր գրքի ծախքերը Աբովյանն ինքն էր հոգացել և պարտքի տակ ընկել: Իսկ տպագրման թույլատվությունը տեղի դպրոցների վերատեսուչ Հասսենմյուլլերն էր տվել 1838 թ., որը, սակայն, 1839 թ. սկզբին բանտարկվում է, որովհետև թղթախաղի և այլ մոլությունների ընթացքում վատնել էր իր տրամադրության տակ դրված պետական գումարները՝ 50 000 ռուբլի, որով դպրոցներ պիտի կառուցվեին: Այդ գործի համար հարցաքննվել են ուսուցիչներ ն. Դեմենտևը, Դ. Արզանյանը, Ի. Շեստոկովը, Վ. Ֆիլիպևը, Ա. Ֆիլադելֆինը, Զ. Ղորղանյանը և ուրիշներ: Աբովյանը ո՛չ մի առնչություն չի ունեցել: Պահպանվել են հետաքննության բոլոր նյութերը³³, Աբովյանը դրանից հետո հարմար է գտել տպագրությունը դադարեցնել և դիմել բարձր իշխանությունների օժանդակությանը: Պետերբուրգի նրա բարեկամները խնդրյել են Բենկենդորֆի միջամտությունը, որը և չի զլացել: Ի դեպ, նա նման միջնորդություն արել է նաև տաղանդավոր նկարիչ Ատեփանոս Ներսիսյանի համար:

«Նախաշավիղի» մասին շատ փաստաթղթեր են պահպանվել, և գրանցից տ՛լ մեկի մեջ այդ գրքի տպագրության փորձը ապօրինի չի համարվել: Հասսենմյուլլերի անկումից հետո Անդրկովկասյան դպրոցների վիճակն ստուգող կառավարական հատուկ հանձնաժողովի արձանագրության մեջ (1839, հոկտեմբեր) Աբովյանի մասին ասված է. «Հաստիքավոր տեսուչ խաչատուր Աբովյանը եռանդուն մարդ է և իրեն բացառապես նվիրել է պատանեկության դաստիարակությանը... նրա ջանքերի շնորհիվ գավառական դպրոցը պահվում է հրաշալի վիճակում»³⁴, ինչպե՞ս կարող էր այս տողերը գրողը, որ լուսավորության միջնորդության ղեկավարներից մեկն էր՝ Պ. Գաևսկին, քաղաքական հանցագործին նման գնահատական տալ և անտեսել նրա ապօրինի գործերը:

Բայց ինչի՞ց են իրենց գլուխը կորցրել մեր հեղինակները, որոնք, ի դեպ, Աբովյանի երկերը և նրա մասին եղած նյութերը կարդալու նոր ռմբթոդ են «հայտնագործել»: Ամեն ինչ նրանք հակառակ իմաստով են վերծանում, ինչպես ծուռ հայելիների թագավորության մեջ, և ուրիշների վաղուց հայտնաբերած և օգտագործած նյութերը գլուխ հռչակում: Այդպես և Բենկենդորֆի 1839 թ. հունիսի 13-ի միջնորդությունը Աբովյանի վերաբերյալ³⁵, Թյուրիմա-ցություններից խուսափելու համար այն մեջ ենք բերում ամբողջությամբ.

³³ ՎՍՍՀ պետական կենտրոնական պատմական արխիվ (ՎՍՍՀ ՊԿՊԱ), ֆ. 2, ց. 1, գ. 5253 (հինք՝ 4333) և 5974 (հինք՝ 5260), ЦГИА СССР, ֆ. 1268, ց. 2, գ. 736 և ֆ. 733, ց. 82, գ. 55 և այլն:

³⁴ ЦГИА СССР, ֆ. 733, ց. 82, գ. 68:

³⁵ Նույն տեղում, գ. 42, թ. 51:

Его Высокопревосходительству С. С. Уварову

13 июня 1839. № 2096.

Милостивый государь
Сергей Семенович.

Армянский дворянин *Хачатур Обовьян*, сопутствовавший некогда профессору Парроту на вершину горы Арарата и обучавшийся впоследствии с высочайшего соизволения его величества в Дерптском университете, приобрел там все сведения, потребные для первоначального практического образования юношества. Возвратясь на родину, несмотря на выгодное предложение университета, желавшего его оставить учителем восточных языков, он посвятил себя на распространение полезных сведений между туземцами, особенно в отношении промышленности. Занимая теперь место учителя в народной школе в Тифлисе, он, по усердию к своему делу, перевел и обработал несколько полезных для юношества сочинений, но не мог еще напечатать их по недостатку средств.

Как он известен привязанностью своею к России и преданностью государю, то я долгом поставляю поручить его милостивому вниманию Вашего высокопревосходительства и покорнейше просить Вас, милостивый государь, доставить ему, буде возможно, средства к изданию полезных его сочинений.

С совершенным почтением и преданностью честь имею быть

Вашего высокопревосходительства:
покорнейший слуга
Граф Бенкендорф

III բաժանմունքի դիվանում (շիֆր՝ ֆ. 109, ցուցակ 69), 1839 թ. մի մատյանում, որ խորագրված է «По просьбам разных лиц, оставленных без производства» և որի մեջ գրանցված գործերի մեծագույն մասը հենց III բաժանմունքը հետազայում ավելորդ է համարել պահել, իբրև նրա խնդիրներին չառնչվող նյութեր, № 433-ի տակ հիշվում է «Գործ հայ ազնվական խաչատուր Արուվյանի աշխատությունների հրատարակությանն օժանդակություն ցույց տալու մասին» («Дело о содействии армянскому дворянину Хачатуру Обовьяну в издании его сочинений»), բաղկացած ընդամենը երեք թերթից, որոնք պետք է լինեին Բենկենդորֆի վերոհիշյալ միջնորդության սևագրությունը և Ս. Ուվարովից ու Վրաստանի գլխավոր կառավարիչ գեներալ Գոլովինից նրա ստացած պատասխանները. առաջինը՝ մեկ թերթի վրա, վերջինը՝ երկու թերթ: Բենկենդորֆի այս գրությունն Ուվարովն ստացել է հունիսի 14-ին և կարգադրել. «Պահանջել աշխատությունները և հարցնել՝ Արուվյանն ի՞նչ ձևի օգնություն է ցանկանում ստանալ, որի մասին և տեղեկացնել կոմս Բենկենդորֆին»: Պահանջվել են նաև այս գրությունը և մյուս բոլոր նյութերը: Երրորդ բաժանմունքում եղած երեք թերթիկորուստը ոչինչ չի նշանակում, որովհետև նրանց բովանդակությունը պարզ է:

Այստեղ չկա ո՛չ մի երկրմաստ խոսք ու միտք. Բենկենդորֆը Աբովյանին օժանդակության համար միջնորդություն է արել և ո՛չ դադարի հրաման արձակել: Երկրամասի տնտեսական-կրթական կյանքին նպաստ բերողները խրախուսվում էին, և դրա համար բաղմաթիվ օրինակներ կան: Աշխարհաբար գիրք գրելը հանցանք չէր, և ընդհակառակը, ակադեմիան գտնում էր, որ Աբովյանի ռուս-հայ քերականությունը «պիտի հրատարակվի հայ ժողովրդական լեզվով, որով խոսում են Ռուսահայաստանում»³⁶: Աբովյանն իսկապես նվիրված էր Ռուսաստանին, և Բենկենդորֆը չէր կարող ասել, թե նա թշնամի է Ռուսաստանին ու թագավորին, ինչպես միամտություն ունի կարծելու վ. Ղազարյանը: Բենկենդորֆի միջնորդության մանրամասներին Աբովյանը տեղյակ էր: Համապատասխան դրությունների պատճենները հանձնվել են նրան և նրա ցանկությունը՝ «Пособие, которое Абовьян желает получить, состоит в том, чтобы книги сии были напечатаны на казенный счет», — հաղորդվել է մինիստրին 1839 թ. դեկտեմբերի 6-ին³⁷: Պետական միջոցներով ո՛չ մի գիրք չէր կարող տպագրվել առանց նախապես քննության ենթարկվելու: Այդ կարգը գործել է միշտ և ամենուր: Աբովյանի նկատմամբ շարամտություն չի՝ եղել: Ընդհակառակը, 1840 թ. փետրվարին կազմված հաշվետվության մեջ Աբովյանն հիշվում է լավագույն ուսուցիչների շարքում, որոնք աչքի են ընկնում իրենց «исправностью, усердием, успехами преподавания и трудами на службе заслуживают особенного внимания»³⁸: Վերջապես, Աբովյանի իոկ վկայությամբ՝ Երրորդ բաժանմունքի պետի հատուկ հանձնարարությամբ ինքն սկսում է ուսումնասիրել քրդերի ու եզդիների կյանքն ու կենցաղը և 1846 թ. մի ընդարձակ աշխատություն ներկայացնում³⁹: Ինչպե՞ս կարելի է այս բոլորը մոռանալ և ամեն բանի քաղաքական գունավորում տալ: Կարիք կա՞ր վերհիշել Բենկենդորֆի և Աբովյանի անձնական փոխհարաբերությունները: Չէ՞ որ դա հօգուտ վարկածի չի խոսում:

Այլ է ծրագրված հալածանքը, այլ՝ դարի հեղձուցիչ մթնոլորտը, որի մեջ ապրում ու ստեղծագործում էր Աբովյանը: Կա՞ր, արդյոք, թվածս տնձանց՝ Աբովյանի հանդեպ տաժած թշնամանքի մեջ անձնական շարժառիթներից բացի նաև ցարի կամ ժանդարմերի պետի թելադրանք, այդ դեռ պետք է պարզել: Թե Բենկենդորֆն ո՞վ էր և ինչ մոռալ դեր է կատարել նիկոլաևյան դարաշրջանում, հանրահայտ է: Բայց անժանոթ չէ նաև, որ նա էլ, կայսրն էլ լիբերալ խաղեր սիրել են: Առկա փաստերից դատելով՝ Աբովյանի վերաբերմամբ վերջինն է կիրառվել:

«Հանցանք» II. «Երևանում... նա տոգորվում է ռուս հեղափոխական տեմոկրատների և ամենից առաջ Վ. Գ. Բելինսկու գաղափարներով և դրանց ոգով գրում իր ստեղծագործությունները... որ իշխանության աչքում նրան դարձնում է... քաղաքականապես անվստահելի աստիճանավոր...» («Գրական թերթ», 24. IX. 1976 թ.): Սրա ապացույցը Վ. Ղազարյանի «15-ամյա որոնումները» և հոգվածներն են Հայաստանի արխիվների բանբերում և այլուր,

³⁶ «Գիվան հայատուր Աբովյանի», հ. I, էջ 321:

³⁷ ЦГИА СССР, ф. 733, ց. 82, к. 42, л. 54:

³⁸ Նույն տեղում, ց. 95, к. 948, л. 26ր:

³⁹ Խ. Աբովյան, Երկերի լիակատար ժողովածու, հ. VII, էջ 151 և հ. X, էջ 293:

ինչպես նաև Նշան Մուրադյանի հիացական հանձնարարությունը: Հանցանշանն այն է, որ Արուվյանը Երևանի գավառական դպրոցի համար բաժանորդագրվել է «Отечественные записки» ամսագիրը:

Ավելի միամիտ պատճառաբանություն, քան այս, դժվար է ենթադրել: Որ Արուվյանի ուշադրությունն է գրավել ռուսական առաջադիմական ամսագիրը, կարևոր է, սակայն դա հայտնի էր քառորդ դար առաջ, Մ. Սանթրոսյանի, Վ. Պարտիզոնու աշխատություններից և մեր հրապարակումներից⁴⁰, և նորություն չէ: Բայց որ «Отечественные записки» ամսագիրն ստանալը ոտով-գլխով անհետացման ենթակա քաղաքական հանցագործություն է եղել, սա արդեն «հայտնություն» է: Եթե այդպես լիներ, մինչև Արուվյանի հերթը հասնելը պետք է տաժանակրության քշվեին կամ կախաղան հանվեին ամսագրի խմբագիր Կրակակին, բոլոր հոգվածագիրները, բաժնի վարիչները, հատկապես Բելինսկին, հարյուրավոր բաժանորդները և հազարավոր ընթերցողները: Բայց նման բան չի կատարվել: Ամսագիրը տպագրվում էր գրաքննության թույլատվությամբ և ազատորեն տարածվում՝ հանձնարարվելով նաև դպրոցական գրադարաններին (հանձնարարականի տպագիր օրինակը պահվում է ՀՍՍՀ Պետարխիվում): Արուվյանն այդ ամսագիրը դուրս էր գրում դպրոցի համար, ո՛չ իր, այլ պետական փողերով և դպրոցական իշխանությունների գիտություններ: Նա բարեխղճորեն հետևում էր, որ համարներն անկորուստ ուտաղվեն, հակառակ դեպքում պետական փողը աննպատակ կկորչեր, որի համար ինքը պատասխանատու էր: Այս է իրողությունը:

Անհնազանդ է նաև մյուս հայտարարությունը, թե իբր Արուվյանն Երևանում, ուր փոխադրվել է 1843 թ. օգոստոսին, Բելինսկու ազդեցության տակ և հեղափոխական դեմոկրատների ոգով ստեղծագործություններ է գրել՝ շտալով դրանցից և ո՛չ մեկի անունը: «Գյուտարարը» ապակողմնորոշում է ընթերցողին: Այլ առիթով նրա ենթադրած և որպես թե Բելինսկու ազդեցությամբ՝ Արուվյանի գրած «Ֆեոդորա» տրաման, ինչպես վաղուց ցույց ենք տվել, գերմանացի հետադեմ գրող Ավգուստ Կոցեբուի հեղինակությունն է՝ հորինված այն ժամանակ, երբ Բելինսկին մեկ տարեկան երեխա էր⁴¹: Արուվյանը դա թարգմանել է 1841 թ., Տիգրանու Փաստերի հետ այդպես անպատասխանատու ձևով չի՝ կարելի խաղալ: Իբր Բելինսկու ազդեցությամբ՝ Արուվյանի գրած «մյուս սատեղծագործությունն» էլ, որ իր նախորդ հոգվածներում «մատնանշել է» Ղադարյանը, իրականում անթվակիր ու սևագիր մի նամակ է, որի հասցեատերը Ներսես Աշտարակեցին է ենթադրվում: Այն իր ոգով և շոշափած խընդիմելով շարունակությունն ու հետագա զարգացումն է Արուվյանի՝ Հովհաննես Կարբեցուն (1832 թ. մարտ) և Ներսես Աշտարակեցուն (1845 թ. փետրվար) ուղղված նախորդ նամակների, և բնավ որևէ առնչություն չի կարող ունենալ Վ. Բելինսկու՝ Ն. Գոգոլին ուղղված հայտնի նամակի հետ, որպիսի ձգտում ունի «գյուտարարը»:

40 Վ. Պարտիզոնի, Խաչատուր Արուվյան, Երևան, 1952, էջ 112—113, Մ. Սանթրոսյան, Հայ մեծ լուսավորիչ մանկավարժ Խ. Արուվյանը, Երևան, 1953, էջ 134, Պ. Հակոբյան, Խաչատուր Արուվյանը և ռուսական առաջավոր կուլտուրան, ՀՍՍՀ ԳԱ «Տեղեկագիր» (հաս. գիտ.), 1952, № 5, էջ 42—43, П. Акопян, Документы Эриванского периода жизни и деятельности Х. Абовяна («Բանբեր Հայաստանի արխիվների», № 3, 1962, էջ 99, 117, 132) և այլն:

41 Պ. Հակոբյան, Խ. Արուվյանի ետվերքյան թարգմանությունները (ՀՍՍՀ ԳԱ «Լրաբեր», 1973, № 4):

Աբովյանն իր նամակում արտահայտելով դժգոհությունը ներսես Աշտա-
րակեցու գործունեությունից, որը, գոնե առայժմ, փոխանակ հայ ժողովրդի
լուսավորության ու բարօրության մասին մտածելու, Տփղիսում 'նստած' անի-
մաստ պատերազմ է բացել քահանաների ու թեմական առաջնորդների դեմ,
էջմիածնում, դպրոցի փոխարեն, կառուցել է տալիս անասնազոմեր և բարե-
կարգում Գոմշագյուլը (ապագա ներսիսյան լճակը— Պ. Հ.) և այլն, ավելաց-
նում է. «Ընդէր խաբեն զմեզ կեղծաւոր լրագիրք Կավկասի փառօք և բարե-
բախտութեամբ ազգի, որ յիսկութեան շոինդ է միայն օղածայն: Զի՞նչ օգուտ
և փառք մերազնեայց յազատութենէ Հայաստանեայց, մինչ նոյն ինքն Հա-
յաստան առաւել ևս ի խաւար տգիտութեան դանդաշէ, քան յաւուրս առաջինս
ընդ բռնութեամբ բարբարոսաց... Այժմ ազատութիւն քաղաքական բառնայ և
արմատախիլ առնէ և զվերջին մեր և զառաջին զառաքինութիւն, որով ազգն
Հայոց յօրէ անկման իւրոյ մինչև ցայսօր բարձր ի գլուխ պանծայր ի մէջ ամե-
նայն ազգաց... Զիա՞րդ թաղուցից զվէրս՝ որ օրըստօրէ և զամենայն մարմին
ազգին գիշատել խոստանայ: Եւ ո՞վ այս ամենայնի աղբիւր և առիթ, թէ ո՞չ
տգիտութիւնն՝ որ ընդ սաստիւ բռնակալութեան սասանիւր, այլ զարդիս՝ ընդ
վարագուրաւ պաշտպանութեան օրինաց՝ իբրև ժանտախտ անբուժելի վարա-
կեալ և գրաւեալ ունի զամենայն սիրտ և հոգի: Եւ ուստի՞ այս վիշապագլուխ
ախտ բարոյական՝ թէ ո՞չ ի պակասութենէ օրինաւոր և բարեկիրք հովուաւր,
որոց միայն պարտ է լինիլ փոյթ և նկրտումն հովուել և դարմանել յազգն ար-
դարութեամբ և ուղղութեամբ» և այլն⁴²:

Խիստ և համարձակ խոսք է ասել Աբովյանը, որոնք պատիվ են բերում
ամեն մի լուսավորիչ-դեմոկրատի, բայց դրանց ոգին ու նպատակներն այլ
են: Գոգոլին ուղղված իր նամակում Բելինսկին քարոզում էր աթեիզմ, ճոր-
տատիրական իրավունքի վերացման խնդիր առաջադրում, պաշտպանում սո-
ցիալիզմի գաղափարը, այնինչ Աբովյանը կյանքի խոցերը կրթության միջո-
ցով բուժելու լուսավորական սկզբունքին էր կառչում, նաև հավատում էր հո-
գեորականության մեծ առաքելությանը հայության լուսավորության և բար-
գավաճման գործում:

Բայց Աբովյանը կարո՞ղ էր անձամբ կամ աշխարհագրորեն ծանոթ լինել
Բելինսկու գրածին: Ղաղարյանը անտեսել է հենց այդ, մինչդեռ դատելով Աբով-
յանի՝ «առ աղբերք հաւատոյ և լուսոյ ազգին՝ զԳոմշագեօլն մեծացուցանեն
և զգոմս անասնոց բարեզարդեն», «մարթ է կազեթիւ նախատել զյանդգնու-
թիւն իմ» արտահայտություններից⁴³, նրա նամակի շարժառիթներն եղել են
էջմիածնում դպրոցի փոխարեն անասնազոմեր կառուցելն ու Գոմշագյուլը
(ապագա ներսիսյան լճակը) բարեկարգելը, իր մասին «Կովկասում» տպա-
գրված զրպարտչական հոդվածը, իսկ դրանք բոլորը 1847 թ. առաջին կեսերի
իրողություններ են: Անասնազոմերի առթիվ կաթողիկոսի կոնդակը արձակ-
ված է 1847 թ. ապրիլի 5-ին: Գոմշագյուլի բարեկարգման մասին մամուլում
հաղորդում է տպագրվել մայիսի 24-ին, անտառ տնկելու մասին՝ մայիսի
31-ին, իսկ Աբովյանի դեմ ուղղված հոդվածը լույս է տեսել հունիսի 7-ին⁴⁴:

42 Խ. Ա. Բ. Վ. յ ա ն, Երկերի լիակատար ժողովածու, հ. X, էջ 295—296:

43 Նույն տեղում, էջ 296 և 298:

44 Մանրամասնությունները տե՛ս մեր «Աբովյանի վերջին վերելքը Արարատի գագաթ» հոդ-
վածում («Պատմա-բանասիրական հանդես», 1972, № 1, էջ 139—142):

Հետևաբար՝ Աշտարակեցուն ուղղված այդ անստորագիր նամակը 1847 թ. հուլիսի վերջերից ուշ չէր կարող գրված լինել: Այնինչ Բելինսկին իր նամակն սկսել է դրել 1847 թ. հուլիսի սկզբներին, այսինքն՝ Աբովյանից ավելի ուշ, այն էլ արտասահմանում, սեագրությունը կարդացել է հուլիսի 17-ին, Փարիզում, երկու մարդու՝ Գերցենի և Անենկովի մոտ: Մաքրագիրը Գոգոլն ստացել է հուլիսի վերջերին: Բուն նամակը Ռուսաստանում հայտնի է դարձել 1849 թ. դարձանք միայն, իսկ տպագրվել է շատ ավելի ուշ, 1855 թ., արտասահմանում, քանի որ ծանր պատիժ էր սպառնում բոլոր նրանց, որոնք իմանալով այդ նամակի մասին՝ չեն զեկուցել բարձր իշխանություններին: Հետևաբար՝ բացառվում է Աբովյանի նամակի գրություն համար Բելինսկու նամակի շարժառիթ ծառայելու անհիմն վարկածը: Մարդկանց գաղափարական կապերը հետազոտում են ո՛չ թե քննադատ ենթադրություններով, այլ շոշափելի փաստերով, ո՛չ թե պատահական բառերի համընկնումով, այլ իրական շփումներով ու առնչություններով: Բելինսկին իր կենդանության օրոք Աբովյանին չի՝ ճանաչել, նրա հետ չի՝ շփվել, Աբովյանն էլ Բելինսկու հետ անձամբ չի՝ հանդիպել, նրա հետ նամակներ չի՝ փոխանակել երբեք: Նման փաստեր չեն արձանագրված ո՛չ Աբովյանի կյանքի տարեգրության մեջ և ո՛չ էլ՝ Բելինսկու կյանքի ու գործունեության ժամանակագրության: Այս էլ է անփստելի, որ Բելինսկու թղթակիցներից և ո՛չ մեկին չեն աքսորել կամ կախել, հետևաբար և նրա հետ մտացածին առնչություններ հորինելն ու այդ պատճառով հալածական հռչակելը հեքիաթ է:

Կուզենայինք ուշադրություն հրավիրել «Աբովյանի գործունեության գնահատման տեսակետից կարևոր» (Ղազարյանի խոսքերն են) մեկ փաստի վրա էլ, որի հայտնագործողը դարձյալ Ղազարյանն է: Այն տեղ է գտել վերջինիս հոդվածներում⁴⁵ և վկայակոչվում է «Գրական թերթի» հոդվածներում: «Ուղեվորություն դեպի Անիի ավերակները» աշխատության մեջ, անդրադառնալով Հռոմի պապերի մոռյալ ու դաժան գործունեությանն ու դերին Եվրոպայի հին ու նոր պատմության մեջ, Աբովյանը գրել է, թե «այժմյան Պիոս V (անուշադրության վրիպակ, պետք է լիներ՝ Պիոս IX— Պ. Հ.) պապին է նախախնամությունից՝ վերապահված փառքի ու քրիստոնեական առաքինությունների դարում հարություն տալ կաթոլիկ աշխարհին և այն մաքրել բարբարոսությունից և հոգեկան թմրությունից»⁴⁶, ինչ խոսք, այստեղից ո՛չ մի օղեղեն ամբողջ չի կարելի վառուցել: Աբովյանը զուր հույսեր է տածում: Բայց Ղազարյանը ենթադրում է, թե պապի անունը ցարական գրաքննիչներին շփոթեցնելու նպատակով է թաքցված, որ մինչև 1847 թ. Աբովյանին հայտնի է եղել միայն պապի «առաջադիմական գործունեությունը»: Դիմենք Մարքսին ու Էնգելսին, որոնք Պիոս IX պապին բնութագրել են որպես «Խտալիայի առաջին բուրժուա», «մարդ, որը ողջ Եվրոպայում գրավում է ամենահետադիմական դիրք», որի բոլոր ռեֆորմները հօգուտ բուրժուազիայի էին⁴⁷: Ավելին՝ Պիոս IX-ը 1846 թ. նոյեմբերի 9-ին նշույն էր սոցիալիզմն ու կոմունիզմը, որպես վտանգավոր ուսմունքներ, որոնք մարդկային հասարակությանը կհասցնեն կործանման: Ռոմանտիկ և լուսավորիչ Աբովյանի համար խանդավառվելը և հիասթափվելը

⁴⁵ «Բանբեր Հայաստանի արխիվներին», 1971, № 4, էջ 73, 75—76:

⁴⁶ Խ. Աբովյան, Երկերի լիակատար ժողովածու, հ. VII, էջ 172:

⁴⁷ К. Маркс и Ф. Энгельс, Сочинения, изд. II, т. 4, стр. 463—464.

րնական էին, բայց շմոռանանք «Կոմունիստական կուսակցության մանչիստի» հայտնի տողերը նույն այդ պապի մասին. «Մի ուրվական է շրջում նվրոպայում՝ կոմունիզմի ուրվականը: Այդ ուրվականի դեմ սրբազան հալածանք մղելու համար միավորվել են հին նվրոպայի բոլոր ուժերը՝ պապը և ցարը, Մետերնիխը և Գիզոն, ֆրանսիական ռադիկալները և գերմանական ոստիկանները»⁴⁸, փաստերը պետք էր մարսել և նոր հանրության ուշադրության առարկա դարձնել...

«Հանցանք» III. «...Կաթողիկոսի՝ Երևան մտնելու ժամանակ պաշտոնական հագուստով չլինելու անշան փաստը և այդ դիպվածով... բանավեճը Երևանի գավառապետ Բլավատսկու <հետ>... Արովյանի տված հանդուգն պատասխանը...», Պատժաշափ՝ «10—12 տարվա տաժանակիր աշխատանքի աքսոր» (Պրական թերթ, 24. IX. 1976)։ Հիմք՝ գավառապետի բողոքագիրը. Բայց ի՞նչ է եղել իրականում, 1846 թ. մայիսի 8-ին, երբ գավառապետը դիտողություն է արել Արովյանին, թե ինչու ներսեսին դիմավորելիս համատողություն է արել Արովյանին, թե ինչու ներսեսին դիմավորելիս համազգեստը չի հագել, նա պատասխանել է, թե ինքը ավելի լավ գիտի, թե նման դեպքերում ինչպես պիտի վարվի։ Գավառապետի արժանապատվությունը շատ է վիրավորվել, և նա բողոքել է փոխարքային՝ «Այս աստիճանավորի արարքը կարող է ուրիշների համար վատ օրինակ դառնալ՝ ծառայության մեջ ավագներին չհարգելու, հետևաբար նա չպիտի մնա Երևանի իր պաշտոնում։ Այնտեղ, ուր պահանջում են ծառայության պարտականությունները, տեղ չպիտի գտնի ո՛չ մի հովանավորություն»⁴⁹, ինչպես տեսնում ենք՝ Բլավատսկին խիստ պատիժ է պահանջում, հասկացնում, որ Արովյանն այլևս չհովանավորվի։ Արդյունքը՝ վերադասների կարգադրությամբ նա ենթարկվում է երեքօրյա տնային կալանքի։ Արովյանն այդ հրամանը կատարում է քսան օր հետո և ապա՝ բողոքում գավառապետի արարքի դեմ։ Դրանից հետո դպրոցի նորոգումները հավանության են արժանանում, և դրական կարծիք հայտնողը Արովյանի թշնամիներն էին։ Արովյանն ու գավառապետն էլ հաշտվում են։ Այսօրինակ պաշտոնական ընդհարումները սովորական բաներ էին, և մի հանցանք, որի պատիժը երեքօրյա տնային կալանք է, ժիժաղելի է 12 տարվա տաժանակրության հավասարեցնել։

«Հանցանք» IV. «1848 թ. հունվարի 2-ին, առանց նախնական թույլտվության, Արովյանը մեկնում է Թիֆլիս և այնտեղ մնում 15 օր» (Պրական թերթ, նույն համարը)։ Պատիժ՝ «ծառայությունից... հեռացումն... կացության բոլոր իրավունքների զրկումով»։

Այստեղ չափազանցներու որոշակի միտում ու անիրազեկություն կա։ Ծննդյան տոներին Արովյանն առանց թույլտվության Թիֆլիս գնալով՝ չի թաքնվել, այլ ներկայացել է վերատեսչին և ուսումնական մասի կառավարչին, որոնցից պետք է նախապես թույլտվություն խնդրեր։ Երբ նրան նկատողություն են անում, հրաժարական է տալիս, իսկ հետո՝ ունկնդրություն խնդրում փոխարքա Վորոնցովից։ Սկզբում Արովյանին առաջարկվում է Տփղիսի նույնիսկ դպրոցի վարիչի պաշտոնը, դպրոց, որ գտնվում էր Վորոնցովի կնոջ հովանավորության տակ։ Բայց որովհետև ներսես Աշտարակեցին էլ նրան վստահում է ներսիսյան դպրոցի տեսչությունը, նա սիրով ընդունում է դա։

⁴⁸ Կ. Մարքս և Ֆ. էնգելս, Ընտիր երկեր, հ. 1, Երևան, 1972, էջ 137.

⁴⁹ ՎՍՍՀ ՊԿՊԱ, ֆ. 4, ց. 3, գ. 183 (հիմք՝ 631), նաև «Коммунист», 1948, № 76.

Մնացած հանցանքներն ու պատիժները միամիտ ենթադրություններ ու չափազանցություններ են, հնօրյա այս կամ այն հրահանգից, առանց էությունը հաշվանալու, փոխ առնված արտահայտություններ, որոնք Աթովյանի մահվան առեղծվածին բնավ չեն վերաբերում: Այդպես կարելի է ուղածդ բանն սապացուցել:

Անուամենայնիվ ի՞նչ «հայտնագործություն» է արել Վ. Ղազարյանը:

1. Նա պարզել է, որ 1848 թ. ապրիլի 3-ին Երևանի գավառական դպրոցի տեսչի պաշտոնի համար առաջադրվել է Զերնիգովյան նահանգի բնակիչ ոմն Սմիրնովի թեկնածությունը: Բայց ինչ կապ ունի դա Աթովյանի անհայտ կուրսության վարկածի հետ, քանի որ Աթովյանը Երևանի իր պաշտոնից և, ընդհանրապես, ուսումնարանական գերատեսչության ծառայությունից ազատված է ևղել դեռևս մարտի 11-ին: Դրանից հետո միայն դպրոցական իշխանությունները պիտի ընտրեին թափուր մնացած տեղի համար հերթի սպասող անձանցից որևէ մեկին, ինչպես և արել են: Եթե Աթովյանի պաշտոնի համար մարդ որոնեին 1846 կամ 1847 թթ., այդ կարող էր մտածելու տեղիք տալ, բայց ոմն Սմիրնովի հարցը ոչինչ չնշանակող բան է և զուր գայթակղություն:

2. Նա նաև «պարզել է», որ պաշտոնական մատյաններում և դպրոցական հաշվետվություններում «Աթովյանի անհետացման վերաբերյալ նշում անգամ չկա»: Անհիմն հայտարարություն, որ դալիս է անտեղյակությունից: Անդրկովկասյան դպրոցների 1848 թ. հաշվետվության մեջ, որ մատուցվել է Հանրային կրթության մինիստրին, պարզորոշ դրված է. «Երևանի գավառական դպրոցի հաստիքավոր տեսչի պաշտոնակատար Աթովյանը ազատվել է՝ ուրիշ աշխատանքի անցնելու համար, սակայն դեռ պաշտոնը չհանձնած՝ անհետ կորել է (пропал без вести)»⁵⁰: Փաստերը նախապես շատուգած՝ չի՞ կարելի կեղծ ու սխալ հայտարարություններ անել:

3. Հաջորդ «գյուտը» Ղազարյանը ձևակերպել է մշուշոտ. «Աշտարակեցու՝ մարտի 3-ի ինչ-որ գրությամբ Աթովյանն արդեն ազատված էր իր պաշտոնից... Ներսիսյան դպրոց տեղափոխվելու դեպքում Աթովյանին պետք է ազատեին ծառայությունից և ոչ թե պաշտոնից, քանի որ այդ դպրոցը լուսավորության մինիստրության սիստեմում չէր գտնվում: Նշանակում է, պաշտոնից ազատվելուց հետո Աթովյանը մնում էր դարձյալ կառավարչապետի իրավասության տակ» («Գրական թերթ», 24. IX. 1976):

Դարձյալ կոպիտ սխալ, քանի որ Աթովյանի արձակման հրամանում պարզ գրված է, որ նա ազատվել է ո՛չ միայն ուսուցչի ու տեսչի պարտականություններից, այլև ուսումնարանական գերատեսչությունից. «От занимаемых Вами должностей и из службы по учебному ведомству, для поступления в Армянское духовное училище... в распоряжение Его святейшества патриарха Нерсеса»⁵¹. Աթովյանի վերադասն, այսպիսով, 1848 թ. մարտի 11-ից Ներսես Աշտարակեցին էր և ո՛չ փոխարքան կամ լուսավորության մինիստրը: Այդ պետք է ընդմիշտ հիշել:

4. Ղազարյանի «գյուտերից» մեկն էլ այն է, որ իբր «անհայտ բացակայող» արտահայտությունը «Ժամանակի իրավաբանական լեզվով նշանակում է 10 տարով աքսորի դատապարտված մի մարդ, որի աքսորավայրի մասին

⁵⁰ ЦГИА СССР, ф. 733, г. 95, к. 1012:

⁵¹ ՎՍՄՀ ՊԿՊԱ, ֆ. 1, ց. 1, գ. 1726:

պաշտոնական անձերից բացի ոչ ոք իրավունք չունի իմանալու» («Գրական թերթ», նույն համարը):

Դժվար է հասկանալ, թե ի՞նչ են մտածել վարկածի հեղինակները, երբ, անտեսելով բառերի շատ որոշակի նշանակությունը, «безвестное отсутствие» (անհետ բացակայություն) իրավական հանրահայտ եզրաբառ-տերմինին տվել են այնպիսի մտացածին բացատրություն, որպիսին, ընդհանրապես, անծանոթ է համաշխարհային իրավագիտությանը: Ավելորդ համարելով մասնագիտական գրքերից քաղվածքներ անելը, արտագրենք միայն մի քանի տող սովորական ամենահեղինակավոր հրատարակություններից մեկից՝ «Իրավագիտական բառարանից»:

«Անհետ բացակայություն—Օրենքով սահմանված կարգով վկայված փաստ իր բնակության վայրից անձնավորության երկարատև բացակայության մասին՝ որոշակի ժամանակամիջոցում նրա գտնված վայրի մասին տեղեկություն չստանալու պայմաններում: Անհետ բացակայության անհրաժեշտ նշանը օրենքով նախատեսված միջոցներով (ծանուցմամբ, բացակայողի վերաբերյալ տվյալներ հաղորդելու ունակ քաղաքացիների և պաշտոնատար անձանց արված հարուցումների ճանապարհով և այլն) տվյալ անձնավորության գտնված անհայտ վայրը պարզելու անհնարինությունն է (невозможность устранения неизвестности нахождения лица): Այն պահից, երբ անձնավորությունը դիտվում է որպես անհետ բացակայող, նրա ունեցվածքի վրա նշանակվում է խնամակալություն: Խնամակալի վրա պարտականություն է դրվում պահպանել ու կառավարել այդ ունեցվածքը և նրանից ապրելու միջոցներ տալ այն անձանց, որոնց բացակայողը պարտավոր էր պահել»⁵²:

Ինչ հանգամանքներում էլ որևէ մեկը Սիբիր աքսորվեր, այն էլ 10 տարով, և ինչքան էլ զաղտնի, այնուամենայնիվ, արձանագրվում էր պետական համապատասխան ատյաններում:

Մոռանալով այս հանրահայտ ճշմարտությունը՝ Ղաղարյանը ընթերցողին հղում է՝ կացության մասին օրենսգրքի 7-րդ և 8-րդ հոդվածները, իր քմահաճույքով վերապատմում դրանք, որից, սակայն, հետևում է, որ այդ օրենքը վերաբերել է «իրավունքից զրկված ազնվականներին»:

Վ. Ղաղարյանը թյուրիմացության զոհ է: Ինչպե՞ս կարող էր Աբովյանը 1848 թ. հունվարի 11-ին իր սեփականատիրական բոլոր իրավունքներից զրկված լինել, երբ անգամ անհետացումից հետո, 1848 թ. օգոստոսին, դատարանի որոշմամբ, նա ճանաչվում է նոր կալվածքի սեփականատեր («Տիտղոսավոր խորհրդական Աբովյանի գնած գոմը և հողամասը, համաձայն օրենքների X հատորի 757 հոդվածի, անառարկելիորեն հաստատել նրա վրա»)⁵³: Ղաղարյանը ճիշտ չի հասկացել նաև խնամակալության նշանակությունը, որ ցարական Ռուսաստանում մի ամբողջ գերատեսչություն էր և գործում էր հօգուտ ժառանգական իրավունքների պաշտպանության: Նա մոռանում է, որ Աբովյանի ունեցվածքն ամբողջությամբ հանձնված էր նրա վնոջը, որ երկրորդ խնամակալը նշանակված էր կնոջ առաջարկությամբ ու ցանկությամբ: Վերջապես՝ 1848 թ. հոկտեմբերին վերջիններիս հանձնարարված էր՝ «սկսել կառավարել Աբովյանին պատկանող կալվածքը, ջանալով ինչպես բարելավելու...

⁵² «Юридический словарь», т. 1, изд. 2-ое, М., 1956, стр. 57.

⁵³ 2002 ՊԿՊԱ, ֆ. 64, գ. 336:

այդ կալվածքը, այնպես էլ նրանից քաղելու ձեռնտու եկամուտներ, դրանցով պատշաճ ձևով պահելու Արքայանի զավակներին», խորհուրդ տալով միաժամանակ՝ Արքայանի պարտապաններից գանձվող գումարները «տալ վաշխով, ո՛չ այլ կերպ, քան գրավականով»⁵⁴ և այլն, որ նշանակում էր, թե պարտքը վճարելու դեպքում Արքայանի սեփականությունն էին դառնալու նաև այլ կալվածքները:

Նա պնդում է, թե իբր «Արքայանի անհայտ բացակայման փաստը Երևանի գավառապետ Բլավատսկու կողմից արված հայտարարությունից բացի, պետական ո՛չ մի մարմնում արձագանք չի գտել» և այլն («Գրական թերթ», 1976 թ., նշված համարը), մինչդեռ հակառակ դրան՝ Արքայանի անհայտ բացակայության մասին բազմաթիվ պաշտոնական գրություններ են գրվել, և իրողությունը բնավ գաղտնի չի պահվել: Կատարվել են հետաքննություն ու որոնումներ, դատարանի հարց է դարձվել. բարձր իշխանություններին այդ մասին զեկուցել են ո՛չ թե ոստիկանապետը, այլ գավառական դպրոցի տեսչի պաշտոնակատար Թուրքեստանովը, ուսուցիչ Վեբիովը, Անդրկովկասի ուսումնական մասի պետը, դպրոցների վերատեսուչը, Երևանի գավառապետը, իրողությունն արձանագրվել է պաշտոնական հաշվետվության մեջ և Կովկասում կատարված կարևոր իրադարձությունների մատյանում⁵⁵: Այդ ամենը ցույց են տալիս, որ Արքայանը դիտվել է իբրև անհայտ փախած կամ թաքնված անձ («Неизвестно куда девавшийся»), և անհանգստացել են, թե արդյոք նա պետական միջոցները չի՞ յուրացրել:

Փորձության քար «Отлучка» բառը (որի իրական նշանակությունն է՝ временное отсутствие, уход, отъезд) Երևանի 1848 թ. ոստիկանապետը բնավ էլ Վ. Ղազարյանի պես չի հասկացել, այլ՝ տանից գաղտնի հեռացած, փախած մարդ: Դրա իրեղեն ապացույցը նրա գրությունն է՝ ուղղված Արքայանի կնոջը, 1848 թ. մայիսի 15-ին. «Г. Эриванский уездный начальник изволил поручить мне производство следствия о неизвестной отлучке мужа Вашего коллежского ассесора Абовьяна. Поэтому покорнейше прошу Вас, милостивая государыня, уведомить меня в самом непродолжительном времени: какими именно обстоятельствами сопровождалась отлучка из дому мужа Вашего, какие были к этому особенно побудительные причины, и не объяснил ли он Вам пред отлучкою, с какою целью и куда он намерен отправиться» և այլն⁵⁶: Արքայանի կնոջ պատասխանի մեջ ևս, գրված հաջորդ օրը, отлучка բառը դարձյալ որոշակի նշանակում է՝ առանց նախապես հայտնելու տանից հեռանալ: «Особенных побудительных причин, опоспешествовавших (!) его безвестной отлучке, мне не известно. Также он мне не говорил, как и часто бывало, отлучаясь из дома: с какою целью и куда отправился» և այլն⁵⁷ (այսինքն՝ «Նրա անհայտ մեկնումը արագացնող հատուկ դրդիչ պատճառներ ինձ հայտնի չեն: Նմանապես նա ինձ չէր ասում, ինչպես և հաճախ լինում էր, երբ հեռանում էր տանից, թե ինչ նպատակով և ուր է

⁵⁴ Վավերագիրը ստացել ենք Արքայանի թոռ, տիկին Վիկտորյա Արքայանից (վախճ. 1974) և միացրել Արքայանի թղթներին:

⁵⁵ Акты, т. X, էջ 630:

⁵⁶ Արքայանի արխիվ, № 646, հայերեն թարգմանությունը՝ «Դիվան Խաչատուր Արքայանի»-հ. 11, էջ 266:

⁵⁷ Նույն տեղում, № 593, հայերեն թարգմանությունը՝ նույն տեղում, էջ 267: «Լրաբեր» 5—6

գնում»): Ուրեմն՝ Արևմտյանը մեկ անգամ չէ, որ առանց հայտնելու հեռացել է տանից, և կնոջ համար դա սովորական բան է եղել: Ղազարյանի պես մտածելու դեպքում ստիպված պիտի լինենք պնդելու, որ Արևմտյանին շատ հաճախ են 10 տարով աքսորի դատապարտել և տաժանակրության քշել Սիբիր: Փոխանակ էությունը լավ չհասկացած ինչ-որ պաշտոնական հրահանգներից կառչելու, Ղազարյանը պարտավոր էր համապատասխան հոգվածներ ցույց տալ զինվորական պատիժների վերաբերյալ օրենսգրքից («Свода военных постановлений», մասն V, գիրք 1), որով դատվել են քաղաքական հանցագործները՝ պետրաշևսկանները, Դոստոևսկին և ուրիշներ: Ցավալիս այն է, որ նա քաջութուն չունի խոստովանելու, որ ժամանակի իրավական մարմինները Արևմտյանի անհետացումը դիտել են որպես քրեական գործ, որ քննվում էր ռուսական կայսրության օրենքների հավաքածուի 1842 թ. XV հատորի քրեական օրենքների 908 և 1211 հոդվածներով, և այսպիսի եզրակացության են եկել: «Կոնգրեսական ասեսոր Արևմտյանի անհայտ բացակայության հարցը թողնել այնքան ժամանակ, մինչև որ կամ Արևմտյանն ինքը կհայտնվի և կառնվի՝ նրա ուր գնալը ինքնըստինքյան հայտնի կդառնա»⁵⁸ և ընդունված կարգով՝ հետագա տնօրինության համար հարցը ներկայացվում է Թիֆլիսի զինվորական նահանգապետին: Պահպանվել է դատարանի արձանագրությունը, ուր ոչ մի երկդիմի և թեական բան չկա:

Այս ամենի մասին Երևանի գավառական դպրոցը նույնպես տեղեկություն է տվել Անդրկովկասյան դպրոցների վերատեսչին, Արևմտյանին որակելով՝ «без вести пропавший» (անհետ կորած), արձանագրելով նաև, որ հետաքննությունը չի կարողացել պարզել՝ Куда девался Х. Абовьян⁵⁹: Պարզ երևում է, որ մինչև դատարանի վճիռը դեռ հույս է եղել, որ Արևմտյանը կհայտնվի, կամ նրա տեղը կիմացվի, բայց դրանից հետո արդեն նա անհետ կորած մարդ էր:

Համազգային ողբերգությունը չի կարելի տրամաբանական մարզանքների նյութ դարձնել:

5. Նոր «հայտնագործության» ասենասենսացիոն մասը, սակայն, այն միամիտ պնդումն է, թե իբր Արևմտյանը «հաղափական հողի վրա» ափսոսվել է «Սիբիր», որի ապացույցը նրա կնոջը միանվագ թողակ տալու գործն է, ըստ որի, իբր «Արևմտյանի ընտանիքին միանվագ նպաստ է տրվել Սիբիր աքսորվածների համար սահմանված օրենքով» («Գրական թերթ», 1976, նույն համարը): Նախ ասենք, որ Վ. Ղազարյանը ո՛չ մի նոր նյութ չի հայտնագործել: Նրա ակնարկած և օգտագործած նյութերը սրանից 50 և 20 տարի առաջ արդեն հայտնաբերել և ուսումնասիրել են վաստակաշատ արավյանագետ Ե. Շահազիզը⁶⁰ և տողերիս գրողը: Եվ ապա՝ Ղազարյանը կամ թյուրիմացության մեջ է, կամ դիտավորյալ կեղծում է փաստերը, քանի որ հիշյալ վավերագրերում որոշակի ասված է, որ էմիլիա Արևմտյանը թողակ է ստացել իբրև անհետ կորածի կին. «Пропавшего без вести», «За службу без вести пропавшего мужа», իսկ համապատասխան գործը խորագրված է. «Дело о назначении

⁵⁸ ՀՍՍՀ ՊԿՊԱ, ֆ. 64, գ. 336, Թարգմանությունը՝ «Դիվան հալատուր Արևմտյանի», հ. II, էջ 270—271:

⁵⁹ Նույն տեղում, ֆ. 1, ց. 1, գ. 1726, թ. 102:

⁶⁰ «Դիվան հալատուր Արևմտյանի», հ. I, էջ 193 և 366, Պ. Հակոբյան, հալատուր Արևմտյան, Կյանքը, գործը, ժամանակը (1809—1836), Երևան, 1967, էջ 57:

пенсии вдове пропавшего без вести... Абовьяна», նաև հստակ արձանագրված. «Он 2 апреля неизвестно куда делся... следов его не открыто... безвестная пропажа ее мужа не обнаруживалась», «неизвестно никому, куда девался 1848 г. 2 апреля»⁶¹: Անկասկած է նաև, որ Արևիկյանին անհետ կորած են համարել և՛ փոխարքա Վորոնցովը, և՛ լուսավորության մինիստր Ուվարովը, և՛, վերջապես Նիկոլայ I-ը. «Записка... о выдаче семейству пропавшего без вести... Абовьяна единовременно в пособие на основании закона двойного оклада жалованья...шестисот рублей серебром из государственного казначейства... государь император... утвердить соизволил»⁶², Վ. Ղաղարյանը միտումնավոր թաքցնում է նաև այդ նույն գործերում Արևիկյանի վերաբերյալ եղած կարևորագույն մյուս տվյալները, որոնք ներկայացվել են լուսավորության մինիստրին, մինիստրների խորհրդին և կայսերը, և որոնց առկայության դեպքում բարեխիղճ բանասերը երբեք այսքան անճշտություններ թույլ չէր տա: Դրանց մեջ պարզ ասված է, որ Արևիկյանն իր 11-ամյա ուսուցչության ընթացքում «удален от службы не был и под судом не находился». Այն հարցին, թե նա գուցե եղել է դատի տակ և մեղել է մինչև արդարանալը կամ դրանից հետո, դարձյալ տրված է հստակ պատասխան. «Под судом не был». Հաջորդ հարցին՝ «Был ли в штрафах, под следствием и судом?», հստակ պատասխանված է՝ «Не был», Արձանագրված է այնուհետև՝ «Под судом и следствием не был, аттестовался способным и достойным», և հիշեցված, որ «Не открыто следов местопребывания Абовьяна по настоящее время, т. е. 1853, 1 апреля»⁶³.

Վ. Ղաղարյանը միտումնավոր շրջանցում է ճշմարտությունը և Արևիկյանի ընտանիքին թոշակ տալու վերաբերյալ մատնանշում է «Ախրիրին վերաբերող 282-րդ հոդվածը», երբ շատ որոշակի է, որ տվյալ հարցում իշխանություններն առաջնորդվել են ո՛չ թե այդ, այլ ռուսական կայսրության օրենքների հավաքածուի III հատորի 531 և X հատորի 40-րդ հոդվածներով, ըստ որոնց՝ Արևիկյանի կինը կարող էր թոշակ ստանալ ամուսնու անհետ կորչելուց հինգ տարի հետո միայն, ինչպես նման դեպքերում վարվում էին պատերազմում կորածների կանանց հետ:

«Хотя на основании этой 531 статьи единовременное пособие выдается вдовам умерших чиновников, а не женам пропавших без вести, имея в виду 40-ю ст. X т. Свода Законов гражданских, по силе которой, если без вести отсутствующий муж не явится в течение пяти лет, то жена его имеет право просить о расторжении брака с ним и выйти замуж и, следовательно, в отношении брака пользуется правом вдовы, я полагаю, что по применению к этой статье, жена Абовьяна, пропавшего без вести более пяти лет тому назад, должна уже считаться его вдовою и пользоваться правами вдовы его, и, следовательно, может получить пособие, на которое муж ее в день безвестной пропажи своей имел право»⁶⁴.

Ղաղարյանը մինչև վերջ չի կարդացել ու ճիշտ չի հասկացել նաև 282-րդ հոդվածը: Այդտեղ հանդիպող Սիբիր բառը շփոթեցրել է նրան: 282-րդ հոդ-

⁶¹ 2002 ՊԿԳԱ, ֆ. 10, գ. 1553, ЦГИА СССР, ֆ. 733, ց. 82, գ. 270:

⁶² ЦГИА СССР, նշված գործը, ք. 16:

⁶³ Նույն տեղում, գ. 270, ք. 22—23 և 2002 ՊԿԳԱ, ֆ. 14, գ. 2553, ք. 14—15:

⁶⁴ ЦГИА СССР, նշված գործը, ք. 2:

վածը վերաբերել է Սիրիի և Կովկասի գիմնազիաներում ու դպրոցներում աշխատող դիրեկտորներին, տեսուչներին և ուսուցիչներին թոշակավորելու կարգին ու արտոնություններին, որոնք դրանցից կարող էին օգտվել կայսրության այդ հեռավոր վայրերում տասը տարի ծառայելուց հետո միայն: Հիշյալ հոդվածը ո՛չ մի առնչություն չունի քաղաքական հանցագործների և գաղտնի աքսորվածների ընտանիքների թոշակավորման հետ: Եթե Աբովյանին այնպես էին անհետացրել, որ ոտով-գլխով կորչեր, էլ ի՞նչպես նա կարող էր աղատորեն դպրոց կամ գիմնազիա մտնել և ուսուցչություն կամ տեսչություն անել: Մի՞թե ցարական տաժանավայրերն ու տաժանակիրները նման արտոնություններ ու ազատություն էին վայելում:

Ղաղարյանը, ցափոք, կարդում է մի բան, բայց հասկանում է հակառակը. օրինակ՝ Աբովյանին զգուշացրել են, որ առանց թույլտվության չի կարելի մասնավոր դպրոց պահել, պետք է պաշտոնապես դիմել և արտոնություն ստանալ, այլապես տույժի կենթարկվի: Սա բավական է, որ Ղաղարյանը հայտարարի, թե Աբովյանը տուգանվել է 75 ռուբլով, ու դա էլ քաղաքական հանցագործություն համարի... Այնինչ նման բան բնավ չի եղել: Այդպես վարվելով՝ ում ասես կարելի էր քաղաքական հանցագործ համարել:

Մենք հասնում ենք վերջին սենսացիային. ըստ Ղաղարյանի՝ Աբովյանը 1853 թ. ապրիլին դեռ կենդանի էր, որովհետև նրա ծառայության ցուցակում «ղեկավարությունը պատասխանները լրացրել է ներկա ժամանակով՝ չլուսնի», «ունի մի հողամաս...», «ամուսնացած է», որովհետև տարիքը գրված է՝ 43 և ոչ՝ 38 (անհետացման ժամանակ), իսկ «տարիքը գրվում էր մինչև մահվան օրը», որ էմիլիան Մառայության ցուցակում անվանված է՝ «Աբովյանի կինը (և ոչ թե այրին)» և այլն: Եթե իսկապես այդ բառի բացակայությունն այդչափ վճռական նշանակություն ունի և լուրջ կռվան է 1853 թ. ապրիլին «Աբովյանի ողջ լինելը» հավաստելու համար, մենք ստիպված ենք հիասթափեցնել վարկածի հեղինակներին, քանի որ պաշտոնական մի շատ կարևոր վավերագրում՝ Երևանի գավառային խնամակալության 1848 թ. հոկտեմբերի 14-ի գրության մեջ, էմիլիան այդ է կռված: Վերջինիս խորագիրն է՝ «Опекунам по имению безызвестно отсутствующего коллежского ассесора Абовьяна, вдове его г-же Эмилии...»⁶⁵:

Նշանակում է՝ տեղական իշխանությունների համար Աբովյանը թեև անհայտ կորած, բայց 1848 թ. հոկտեմբերին արդեն մահացած մարդ էր, ուստի և՛ անմտություն է 1853 թ. նրան Սիրիում որոնելը:

Քանի դեռ որևէ մեկի անհայտ կորստի գաղտնիքը չէր պարզված, նա կենդանի էր համարվում: Այս դեպքում 1848 թ. ապրիլին, 38 տարեկան հասակում կորած Աբովյանը 1853 թ. ապրիլին պետք է 43 տարեկան լիներ: Հինգ տարի անցնելուց հետո միայն, ըստ գործող օրենքների (40-րդ հոդված), նրա կինը կարող էր օգտվել այրու իրավունքներից: Այստեղից էլ՝ 1853 թ.՝ «ունի», «չլուսնի», «ամուսնացած է» ձևերի օգտագործումը:

Պատմաբանը պետք է իմանա նաև, որ ծառայության ցուցակները արտագրվում էին իրարից, և ինչ վերաբերում էր տվյալ անձնավորության ունեցվածքային դրույթանը կամ աշխատանքային կենսագրությանը, նույնությամբ

⁶⁵ Անտիպ բնագիրը ստացված է Վիկտորյա Աբովյանից և միացված Աբովյանի թղթանե-րին:

փոխանցվում էին հին ցուցակից նորին: Անհետ կորածի ընտանիքը և ունեցվածքը նրանք էին, և չէր կարելի ասել՝ ունեի: Բայց Արուվյանի ծառայության այս ցուցակում, ուր հարկ էր նշել, որ աստիճանավորը այլևս չկա, գրված է՝ «Не имел», «Пользовался». Պատմաբանը պետք է իմանա այնուհետև, որ եթե Արուվյանն այդ ժամանակ աքսորում լիներ, նրա Ծառայության ցուցակը պետք է կազմված ու հաստատված լիներ տվյալ բանտի կամ տաժանակրության վայրի պետի կողմից: Այդ ցուցակների պաշտոնական ձևն էլ ուրիշ էր և բազմաթիվ նոր հարցեր էր պարունակում:

Սիրիր աքսորվածի ու այնտեղ 5 տարի անցկացրած մարդու մասին Տփղիսյան կամ Շամախի-Դերբենդյան դպրոցների վերատեսչներն երբեք չէին կարող տվյալներ հաղորդել⁶⁶, այն էլ՝ ակնհայտորեն, 1848 թ. սկսած, երբ կախարդական հնգամյա արտոնության ժամկետը դեռ չէր էլ լրացել...

Ամբողջ Ռուսաստանում հանցագործներին ներում էին, գործերը՝ վերանայում, ժամկետները՝ կրճատում, այդ ինչպե՞ս է պատահել, որ արտոնյալ վիճակում Սիրիրի դպրոցներում աշխատող Արուվյանը ո՛չ ոքի լուր չի տվել, ո՛չ մի ներման չի արժանացել: Ռուսաստանում օրենք հասկացող մարդիկ չկային, որ «անհետ բացակայություն» բառերը բացատրեին Արուվյանի կնոջը կամ որդուն, որ սա հետո չասեր մարդկանց, թե հորը Երևանի պարսիկները կենդանի թողել են...⁶⁷: Ինչպե՞ս կարելի է ինչ-որ անհայտ քրեական հանցագործներ ունենալ Չերնիխի կամ ունենալ Նասիրովի կամ Բեսարաբիայից Կալուգա փոխադրված ունենալ Ղորղանովի արշինով չափել Արուվյանի «քաղաքական հանցանքը», երբ տառացիորեն ոչինչ չի պարզված, մեջտեղում ոչինչ չկա:

Մենք խնայում ենք ընթերցողներին և այստեղ կանգ առնում, նշան Մուրադյանի մեկնաբանած և Վ. Ղազարյանի «հայտնագործած» մնացած փաստերի քննությունը ավելորդ գտնելով, քանի որ գործ ունենք անտեղյակության ու շփոթի, անճշտությունների ու աղավաղումների հետ:

Արուվյանի ողբերգական վախճանի մի հին վարկածի այս ձևով հարույթյուն տալն ու «լուծելը», առանց խղճի խայթի մեծ գործիչ Ներսես Աշտարակեցուն հանցագործ հռչակելն ու զրպարտելը, գիտական, բարոյականության ոլորտից դուրս բաներ են և արժանի ամենախիստ դատապարտման:

НОВОЕ «ТОЛКОВАНИЕ» СТАРОЙ ВЕРСИИ ИСЧЕЗНОВЕНИЯ Х. АБОВЯНА

ПИОН АКОПЯН

Резюме

Тайна безвестного исчезновения великого армянского писателя Х. Абовяна до сих пор не разгадана, хотя со дня его трагической гибели прошло около 130 лет. Более чем сорокалетние поиски армянских филологов в архивах СССР в этом направлении не выявили в сущности ничего нового.

⁶⁶ Երևանի գավառական դպրոցը Կովկասի ուսումնական ջրջան կազմվելու օրերից ենթարկվում էր Շամախի-Դերբենդյան դպրոցների վերատեսչությանը:

⁶⁷ Арм. и Аб., Хачатур Абовян, Тифлис, 1906, стр. 18, 2. Տե՛ր-Աստվածատրյան, Խաչատուր Արուվյան, Տփղիս, 1905, էջ 20:

В 1975 и 1976 гг. на страницах «Гракан терт» (26.IX. 1975 и 24. IX. 1976) с «поисками, находками и гипотезами» выступили В. Казарян и Н. Мурадян. Искжая факты, они пытаются представить Х. Абовяна жертвой царской ссылки: якобы царское правительство сослало Абовяна сроком на 10 лет в Сибирь и, будто, в 1853 г. он еще был жив.

На самом деле их версия не таит в себе ничего нового, кроме наивных рассуждений, грубых ошибок, искаженных и необоснованных обвинений, игнорирующих общеизвестные факты и историческую действительность 30—40 гг. XIX в.